

宋版春秋

日七12
1467
134



四七二
1467

春秋經傳集解哀公上第二十九

哀公名蔣定公之子蓋夫
姒所生諡法恭仁短折曰哀

杜氏

盡十三年

經元年春王正月公即位無傳楚子陳侯隨侯

許男圍蔡隨世服於楚不通中國吳之入楚昭王奔隨隨人免之卒復楚國楚

人德之使列於諸侯故得見經定鼯鼠食郊

牛改卜牛夏四月辛巳郊無傳書過也

秋齊侯衛侯伐晉冬仲孫何忌帥師伐邾無傳

仁
1467
13止

傳元年春楚子圍蔡報柏舉也在定四年里而栽

栽設板築為圍壘周市去蔡城一里○栽才代反又音再築牆長版廣丈高倍

壘厚一丈高二丈○廣古夫屯晝夜九日夫猶

曠反高如字又古報反如子西之素子西本計

兵也壘未成故令人在壘裏屯守蔡○屯徒門反

為壘當用蔡人男女以辨辨別也男女各別

九日而成使疆于江汝之間而還楚欲使蔡徒國在江

扶免反○纍力追反安也蔡權聽命故楚師還蔡於是乎請遷

于吳楚既還蔡人更叛楚就吳王夫差敗越

于夫椒報嚮李也嚮李在定十四年夫椒吳郡吳縣西南大湖中椒山

○夫音扶遂入越越子以甲楯五千保于會

稽上會稽山也在會稽山陰縣南使大夫種

因吳大宰嚭以行成吳子將許之伍員曰不

可臣聞之樹德莫如滋去疾莫如盡昔有過

澆殺斟灌以伐斟鄩澆寒浞子封於過者二

傳曰澆用師滅斟灌○斟夏同姓諸侯襄四年

起呂反過古禾反澆五叫反一五報反灌古滅夏后相夏后相啓孫也后相

亂反鄩音尋滅夏后相失國依於二斟復為

浞仕捉反

春水二

澆所滅。相息亮反。后緡方娠。逃出自竇。后緡相妻。娠懷身也。○娠

音震。又音身。歸于有仍。后緡有仍氏女。生少康焉。為仍牧

正。牧官長。基澆能戒之也。基毒也。戒備也。○基音忌。澆使椒求

之。椒澆臣。逃奔有虞。為之庖正。以除其害。虞舜後諸

侯也。梁國有虞縣。庖正。掌膳羞之官。賴此以得除已害。虞思於是妻之

以二姚。思有虞君也。虞思自以二女妻少康。姚。虞姓。○妻。七計反。而邑諸

綸。綸。虞邑。有田一成。有眾一旅。方十里為成。五百人為旅。能

德而兆其謀。治兆。以收夏眾。撫其官職。襄四

年傳曰。靡自有鬲氏。收二國之燼。以滅浞。而立少康。○鬲音革。使女艾謀澆

女艾。少康臣。謀。候也。○女。如字。又音汝。使季杼誘豷。豷。澆弟也。季杼。少康

子。后杼也。○杼。直呂反。豷。許器反。遂滅過戈。復禹之績。過。澆國。戈。過。澆

竝古禾反。○過。戈。祀夏配天。不失舊物也。○物。事也。今吳

不如過。而越大於少康。或將豐之。不亦難乎

言與越成。是使越豐大。○難。乃且反。句踐能親而務施。施

必為吳難。○難。乃且反。句踐能親而務施。施

不失人。○所加惠賜。皆得其人。親不棄勞。推親愛之

誠。則不遺。小勞。與我同壤。而世為仇讎。於是乎克而

弗取將又存之。違天而長寇讎。猶言天不取後雖

悔之不可食已。食消也。已止也。姬之衰也。日可俟也。

姬。吳姓。言可計月而待。介在蠻夷。而長寇讎。以是求伯。

必不行矣。弗聽。退而告人曰。越十年生聚。而

十年教訓。生民聚財。富而後教。二十年之外。

吳其為沼乎。謂吳宮室廢壞。當為汗池。三月。

越及吳平。吳入越。不書。吳不告慶。越不告敗

也。嫌夷狄不與華同。故復發傳。夏四月。齊侯衛侯救邯鄲。

哀元年

圍五鹿。趙稷以邯鄲叛。范中行氏之黨。吳之

入楚也。在定四年。使召陳懷公。懷公朝國人而問

焉。曰。欲與楚者右。欲與吳者左。陳人從田。無

田從黨。都邑之人無田者。隨黨而立。不知所與。故直從所居。田在西者居右。在東

者居左。逢滑當公而進。當公。不左不右。曰。臣聞國之興

也以福。其亡也以禍。今吳未有福。楚未有禍。

楚未可弃。吳未可從而晉盟主也。若以晉辭

吳若何。公曰。國勝君亡。非禍而何。楚為吳所勝。對

曰國之有是多矣何必不復小國猶復況大

國乎臣聞國之興也視民如傷是其福也如傷

恐驚其亡也以民為土芥是其禍也也芥草楚

雖無德亦不艾殺其民吳日敝於兵暴骨如

莽草之生於廣野莽莽然故曰而反未見德焉

天其或者正訓楚也使懼而禍之適吳其何

日之有言今陳侯從之及夫差克越乃脩先

君之怨秋八月吳侵陳脩舊怨也傳言吳不脩德而脩

怨所以亡齊侯衛侯會于乾侯救范氏也師及齊

師衛孔圉鮮虞人伐晉取棘蒲魯師不書非

孔烝鉏曾孫鮮虞狄帥賤故不書吳師在陳楚大夫皆懼曰

闔廬惟能用其民以敗我於柏舉今聞其嗣

又甚焉將若之何子西曰二三子恤不相睦

無患吳矣昔闔廬食不二味居不重席室不

崇壇平地作室不起壇也器不彤鏤彤丹也鏤刻也宮室

不觀觀臺榭舟車不飾衣服財用擇不取

費

選取堅厚不尚細靡○費芳味反

在國夫有蓄癘

癘疾疫也親

巡孤寡而共其乏困在軍熟食者分而後敢

食

必須軍士皆分熟食不敢先食分猶徧也○其音恭

其所嘗者卒乘

與焉

所嘗甘珍非常食

勤恤其民而與之勞逸是以

民不罷勞死知不曠

知身死不見曠○罷音皮

吾先大

夫子常易之所以敗我也

易猶反也

今聞夫差次

有臺榭陂池焉

積土為高曰臺有木曰榭過再宿曰次

宿有妃

嬙嬪御焉

妃嬙貴者嬪御賤者皆內官

一日之行所欲必

成玩好必從珍異是聚觀樂是務視民如讎

而用之日新夫先自敗也已安能敗我

為二十二

年越滅吳起本

冬十月晉趙鞅伐朝歌

討范中行氏

經二年春王二月季孫斯叔孫州仇仲孫何

忌帥師伐邾取濶東田及沂西田

邾人以賂取之易也

○濶火號反又音郭沂魚依反癸巳叔孫州仇仲孫何忌及

邾子盟于句繹

句繹邾地取邑盟以要之○句音勾

夏四月丙

子衛侯元卒

定四年盟臯鼫

滕子來朝

無傳

晉趙鞅帥

師納衛世子蒯聵于戚。秋八月甲戌，晉趙鞅

帥師及鄭罕達帥師戰于鐵。鄭師敗績。皆陳日戰。

大崩曰敗績。鐵在戚城南。罕達子皮孫。冬十月葬衛靈公。無傳。七月

而葬。十有一月蔡遷于州來。畏楚而請遷。故以自遷為文。

蔡殺其大夫公子駟。懷土而欺大國。故罪而書名。

二年春伐邾。將伐絞。絞邾邑。邾人愛其土故

賂以漵沂之田而受盟。初衛侯遊于郊。子南

僕。子南靈公子。郟也。僕御也。公曰余無子將立女。蒯聵奔無犬子。

音汝女不對他日。又謂之對曰。郟不足以辱社

稷。君其改圖。君夫人在堂。三揖在下。三揖。卿大夫士

君命祗辱。言立適當以禮。與外內同之。今君私命。事必不從。適為辱。○祗音支。

立適音的夏衛靈公卒。夫人曰命公子郟為犬子。

君命也。對曰。郟異於他子。言用意不同。且君沒於

吾手。若有之。郟必聞之。言當以臨沒為正。且亡人之

子輒在。輒蒯聵之子。出公也。靈公適孫。乃立輒。六月乙酉。晉

趙鞅納衛犬子于戚。宵迷。陽虎曰。右河而南。

必至焉

是時河北流過元城界。咸在河外。故欲出河右而南。使

大子綏

綏者始發喪之。服。音問。八人衰經。偽自衛逆

者。欲為衛人逆。告於門。哭而入。遂居之。秋八

月。齊人輸范氏粟。鄭子姚子般送之。子姚。子般。

般音班。士吉射逆之。趙鞅禦之。遇於戚陽。虎

曰。吾車少。以兵車之旆。與罕駟兵車。先陳。

驅車也。以先驅車。益其兵。車以示眾。陳直觀反。罕駟自後隨而從

之。彼見吾貌。必有懼心。晉人先陳。鄭人隨之。不知其虛實。見車多。

必。於是乎會之。會。合。必大敗之。從之。卜戰。龜

焦。兆不。樂丁曰。詩曰。爰始爰謀。爰契我龜。樂丁。

晉大夫。詩大雅。言先人事。後卜筮。謀協以故兆。詢可也。詢。諮。詢也。

故兆。始納衛大子。卜得吉兆。簡子誓曰。范氏

中行氏反。易天明。君不事也。斬艾百姓。欲擅晉國

而滅其君。寡君恃鄭而保焉。今鄭為不道。弃

君助臣。二三子順天明。從君命。經德義。除詬

恥。在此行也。克敵者。上大夫受縣。下大夫受

郡周書作維篇。千里百縣。縣有四郡。艾魚

士田十萬十萬也。庶人工商遂得遂人臣隸圉

免去廡役。廡又作斯。音同。艾草志父無罪

君實圖之志父。趙簡子之一名也。言已事濟

以畔。後得歸。改名志父。若其有罪。絞縊以戮

絞所以桐棺三寸。不設屬辟屬辟。棺之重數。

重。大夫一重。屬音燭。次大棺也。素車樸馬

以載柩。反。親身棺也。禮。大夫無辟。下卿之罰也。為衆

自設罰所。甲戌將戰。郵無恤。御簡子。衛犬子

為右郵無恤。王良也。登鐵上鐵。丘望見鄭師。眾犬子

懼。自投于車下。子良授犬子綏。而乘之。曰。婦

人也。言其怯。簡子巡列。曰。畢萬匹夫也。七戰皆

獲。有馬百乘。死於牖下。畢萬。晉獻公卿也。皆

得壽終。羣子勉之。死不在寇命。繁羽御

趙羅。宋勇為右三子。晉羅無勇。麋之。麋。束縛

反。墮。吏詰之。御對曰。疇作而伏。疇。瘡疾也。詩

春秋三十九

八

四二八

占衛犬子禱曰曾孫蒯聵敢昭告皇祖文王

周文王。皇。大也。○烈。顯也。文祖襄公

繼業守文。故曰文。鄭勝亂從。君助臣。為從於

亂。晉午在難。○午。晉定公名。反。不能治亂。使鞅討

之。鞅。簡子名。蒯聵不敢自佚。備持矛。馬戎右敢告

無絕筋。無折骨。無面傷。以集大事。無作三祖

羞。集。成也。大命不敢請。佩玉不敢愛。不敢愛。故以祈禱。

鄭人擊簡子中肩。斃于車中。斃。踏也。○中。獲

其逢蠶旗。○蠶。音蜂。犬子救之以戈。鄭師北。獲

溫大夫趙羅。羅。無勇。故鄭師雖北。猶獲羅。犬子復伐之。鄭

師大敗。獲齊粟千車。趙孟喜曰。可矣。趙孟。簡子也。喜

未艾也。○復。扶又反。傅叟曰。雖克鄭。猶有知在。憂

廢反。又初。周人與范氏田。公孫尤稅焉。尤。范氏臣。

為范氏收周人稅。趙氏得而獻之。得尤以吏請

殺之。趙孟曰。為其主也。何罪。止而與之田。還

其

所及鐵之戰以徒五百人宵攻鄭師取蠶旗

於子姚之幕下獻曰請報主德追鄭師姚般

公孫林殿而射前列多死晉前列姚般殿丁電反

射食亦反趙孟曰國無小有善射者猶既戰簡子

曰吾伏弣嘔血弣弓衣嘔吐也鼓音不衰今日我上也功為犬子曰吾救主於車退敵於

下我右之上也郵良曰我兩鞞將絕吾能止

之止使不絕鞞以刃反我御之上也駕而乘材兩鞞

皆絕材橫木明細小也傳吳洩庸如蔡納聘

而稍納師師畢入眾知之元年蔡請遷于吳

○洩息蔡侯告大夫殺公子駟以說殺駟以

列反不時遷哭而遷墓將遷與先冬蔡遷于州來

經三年春齊國夏衛石曼姑帥師圍戚曼姑

圍父知其不義故推齊使為兵夏四月甲午

地震無傳五月辛卯桓宮僖宮災天火季孫斯

叔孫州仇帥師城啓陽晉比年四城啓陽今

晉比年四城啓陽今

晉比年四城啓陽今

琅邪開陽縣

宋樂髡帥師伐曹無傳秋七月丙子季

孫斯卒蔡人放其大夫公孫獵于吳無傳子駟之

黨冬十月癸卯秦伯卒無傳不書叔孫州仇

仲孫何忌帥師圍邾無傳

傳三年春齊衛圍戚求援于中山中山鮮虞夏五

月辛卯司鐸火司鐸名火踰公宮桓僖災桓公僖公

廟救火者皆曰顧府言常人愛財南宮敬叔至命

周人出御書俟於宮敬叔孔子弟子南宮闕周人司周書典籍之官

御書進於君者也使待命於宮曰虺女而不狂死虺具也虺匹婢反

女音汝子服景伯至命宰人出禮書景伯子服何也宰人

冢宰之屬以待命命不共有常刑待求之命校人乘馬

巾車脂轄校人掌馬巾車掌車乘馬使四四相從為駕之易校校音效乘去聲

下同為百官官備府庫慎守官人肅給國有

于偽反恐有變難濟濡帷幕鬱攸從之鬱攸火氣也

故慎為備用為濟濟子禮反蒙葺公屋以濡物自犬廟

始外內以悛悛次救之悛悛次也先尊後卑以助所不給

有不用命。則有常刑。無赦。公父文伯至。命校

人駕乘車。乘車。公車。季桓子至。御公立于象魏之

外。象魏。闕。命救火者。傷人則止。財可為也。命藏

象魏。周禮。正月。縣教令之法于象魏。曰。舊章

不可亡也。富父槐至。曰。無備而官辨者。猶拾

瀋也。槐。富父終生之後。瀋。汁也。言不於。是乎。備而責辨不可得。瀋尺審反。其橐。

去表之橐。積。表。表。火道。風所向者。去其橐。道還

公宮。開除道。周市。公宮。使火無反。孔子在陳。聞

火。曰。其桓僖乎。言桓僖親盡而廟不毀。宜為天所災。劉氏范氏

世為婚姻。劉氏。周卿士。晉大夫。萇弘事劉文公。為之。屬大。

夫。故周與范氏趙鞅以為討。責周與。范氏。六月。癸

卯。周人殺萇弘。終違天。禍。秋季孫有疾。命正常

曰無死。正常。桓子之寵臣。欲付以。後事。故勅令勿從已死。南孺子之

子。男也。則以告而立之。南孺子。季桓子之妻。言若生男。告公而立。

之女也。則肥也可。肥。康子也。季孫卒。康子即位。既

葬。康子在朝。在公朝也。南氏生男。正常載以如朝。

告曰。夫子有遺言。命其圍臣曰。南氏生男。則

以告於君。與大夫而立之。今生矣。男也。敢告。

遂奔衛。康子請退。位也。辟。公使共劉視之。共劉。魯大

夫。音恭。則或殺之矣。乃討之。討殺者。召正常。正

常不反。畏康子也。傳備。冬十月。晉趙鞅圍朝

歌師于其南。范中行所在。荀寅伐其郛。伐其北。郭圍。使

其徒自北門入。已犯師而出。荀寅使在外救己之徒。擊趙氏

圍之北門。因外內攻得出。癸丑。奔邯鄲。十一月。趙鞅殺士

臯夷。惡范氏也。惡范氏而殺其族。言遷怒。○惡烏路反。

經四年春。王二月。庚戌。盜殺蔡侯申。賤者故稱盜。不

言弒其君。賤盜也。○殺申志反。案宣十七年。蔡侯申卒。是文侯也。今昭侯是其玄孫。不容

與高祖同名。未審何者誤。蔡公孫辰出奔吳。弒君賊之。黨故書名。葬

秦惠公。無傳。宋人執小邾子。無傳。邾子無道於其民。故稱人以執

夏。蔡殺其大夫公孫姓。公孫霍。皆弒君黨。姓音生。晉

人執戎蠻子赤。歸于楚。晉恥為楚執諸侯。故稱人以告。若蠻子不

道於其民也。赤本屬楚。故言歸。○為于偽反。城西郭。無傳。魯西郭。備晉也。六

月辛丑亳社災無傳。天火也。亳社殷社。殷社諸侯有之。所以戒亡國。秋八月

月甲寅滕子結卒無傳。同盟。冬十有二月葬

蔡昭公無傳。亂故。葬滕頃公無傳。

傳四年春蔡昭侯將如吳諸大夫恐其又遷

也承承音懲。蓋楚言也。公孫翩逐而射之入於家人

而卒翩。蔡大夫。射食亦反。以兩矢門之眾莫敢進翩

矢自守其門。文之錯後至錯。蔡大夫。音楷。又音皆。曰如牆

而進多而殺二人併行如牆俱進。錯執弓而

先翩射之中肘錯遂殺之故逐公孫辰而殺

公孫姓公孫盱盱即霍也。夏楚人既克夷

虎夷虎蠻夷。叛楚者。乃謀北方左司馬販申公壽餘

葉公諸梁致蔡於負函三子。楚大夫也。此蔡之故地。人民。楚因以

為邑致之者會其眾也販。取。致方城之外於

繒關負函。繒關皆楚地。繒才陵反。曰吳將沂江入郢逆流

將奔命焉為一昔之期襲梁及霍偽辭當備。吳夜結期。

明日便襲梁霍使不知之梁河南梁縣西單

南故城也梁南有霍陽山皆蠻子之邑也

浮餘圍蠻氏蠻氏潰

浮餘楚大夫單音善

蠻子赤奔

晉陰地

陰地河南山北自上雒以東至陸渾

司馬起豐

析與狄戎

楚司馬販也。析縣屬南鄉郡。析南有豐鄉。皆楚邑。發此二邑人及戎

狄以臨上雒左師軍于菟和東也

石師軍于倉野

倉野在雒縣

使謂陰地之命大夫

士蔑

命大夫。別縣。監尹。古銜反

曰晉楚有盟好惡同之

若將不廢寡君之願也不然將通於少習以

聽命

少習商縣武關也。將大開武關道以伐晉

士蔑請諸

趙孟趙孟曰晉國未寧安能惡於楚必速與

之

未寧時有范中行之難

士蔑乃致九州之戎

九州戎在晉陰

地陸渾者將裂田以與蠻子而城之

以詐且將為

之上

上城。為于偽反

蠻子聽上遂執之與其五大

夫以畀楚師于三戶

今丹水縣北三戶亭

司馬致邑立

宗焉以誘其遺民

楚復詐為蠻子作邑立其宗主

而盡俘以

歸秋七月齊陳乞弦施衛甯跪救范氏

弦多

庚午圍五鹿

五鹿晉邑

九月趙鞅圍邯鄲冬

十一月邯鄲降荀寅奔鮮虞趙稷奔臨邑臨邑晉

降戶反十二月弦施逆之遂墮臨國夏伐晉取

邢任欒郟逆時陰人孟壺口入邑晉地欒在趙國平棘縣西

北郟即高邑縣也路縣東有壺口關會鮮

虞納荀寅于柏人晉邑也今趙國柏人縣也弦施與鮮虞會也

經五年春城毗無傳備夏齊侯伐宋無傳晉趙

鞅帥師伐衛秋九月癸酉齊侯杵臼卒再同盟也

冬叔還如齊閏月葬齊景公無傳

傳五年春晉圍柏人荀寅士吉射奔齊初范

氏之臣王生惡張柳朔言諸昭子曰夫非而讎乎對

為柏人宰也昭子范吉射惡去聲下同昭子曰夫非而讎乎對

曰私讎不及公公家之事也好不廢過惡不

去善義之經也臣敢違之及范氏出出柏人奔齊

好呼報反去起呂反張柳朔謂其子爾從主勉之我將

止死王生授我矣授我死節吾不可以僭之遂死

於柏人為吉射距夏趙鞅伐衛范氏之故也

遂園中牟

衛助范氏故也

齊燕姬生子不成而死

燕姬

景公夫人不成未

冠也。燕於賢反

諸子鬻姒之子茶嬖

諸子庶公

子也。鬻姒景公妾

茶安孺子

諸大夫恐其為

大子也言於公曰君之齒長矣未有天子若

之何公曰二三子閒於憂虞則有疾疾亦姑

謀樂何憂於無君

景公意欲立茶而未發故以此言塞大夫請。長上

聲閒音閑又音諫

疾勅觀反樂音洛

公疾使國惠子高昭子立

茶

惠子國張

寘羣公子於萊

萊齊東鄙邑

秋齊景

公卒冬十月公子嘉公子駒公子黔奔衛公

子鉏公子陽生來奔

皆景公子在萊者。黔巨廉反又音琴

萊

人歌之曰景公死乎不與埋三軍之事乎不

與謀師乎師乎何黨之乎

師衆也黨所也之往也稱謚蓋葬後

而為此歌哀羣公鄭駟秦富而侈嬖大夫也

而常陳卿之車服於其庭鄭人惡而殺之子

思曰詩曰不解于位民之攸墜

子思子產子國參也詩大

雅攸所也墜息也

解佳賣反墜許器反

不守其位而能久者鮮

矣。商頌曰：不僭不濫，不敢怠皇。命以多福。僭，差也。濫，溢也。皇，暇也。言駟秦違詩商頌，故受禍。鮮，息淺反。

經六年春，城邾瑕。無傳。備晉也。任城亢父縣北有邾婁城。亢，苦浪反。

又音剛。晉趙鞅帥師伐鮮虞，吳伐陳，夏齊國夏

及高張來奔。二子阿君，廢長立少。既受命，又不能全書名，罪之也。叔還

會吳于柤。無傳。柤，加反。秋七月庚寅，楚子軫卒。

未同盟而赴以名。齊陽生入于齊。為陳乞所逆。故書入。齊陳乞

弒其君荼。弒荼者，朱毛與陽生也。而書陳乞，所以明乞立陽生而荼見弒，則禍

由乞始也。楚比劫立，陳乞流涕，子家憚老，皆疑於免罪，故春秋明而書之，以為弒主。冬

仲孫何忌帥師伐邾。無傳。宋向巢帥師伐曹。無傳。

傳六年春，晉伐鮮虞，治范氏之亂也。四年，鮮虞納荀

寅于吳伐陳，復脩舊怨也。元年未得志，故復扶又反。楚

子曰：吾先君與陳有盟，不可以不救，乃救陳

師于城父。陳盟在昭十三年。齊陳乞偽事高國者。高

國夏受命立荼，陳乞欲害之，故先偽事焉。每朝必驂乘馬，所從必

言諸大夫。言其罪過。乘，去聲。後同。曰：彼皆偃蹇，將弃子

之命

驕偃蹇敖

皆曰高國得君

得君寵也

必偪我盍去

諸固將謀子子早圖之圖之莫如盡滅之需

事之下也

需疑也。○去起呂反。下同。

及朝則曰彼虎狼也

見我枉子之側殺我無日矣請就之位

欲與諸大

夫謀高國故求就之

又謂諸大夫曰二子者禍矣恃得

君而欲謀二三子曰國之多難貴寵之由盡

去之而後君定既成謀矣盍及其未作也先

諸作而後悔亦無及也大夫從之夏六月戊

辰陳乞鮑牧

牧鮑圍孫

及諸大夫以甲入于公宮

昭子聞之與惠子乘如公戰于莊敗

高國敗也莊六

軌之道

國人追之國夏奔莒遂及高張晏圍弦

施來奔

圍晏嬰之子圍施不書非卿

秋七月楚子在城父

將救陳卜戰不吉卜退不吉王曰然則死也

再敗楚師不如死

前已敗於柏舉。今若退還亦是敗

奔盟逃

讎亦不如死死一也其死讎乎命公子申為

王不可則命公子結亦不可則命公子啓

申子

西。結。子期。啓。子閭。皆昭王兄。

五辭而後許。將戰。王有疾。庚

寅。昭王攻大冥。卒于城父。大冥。陳地。吳師所在。子問退

曰。君王舍其子而讓羣臣。敢忘君乎。從君之

命。順也。從命。許立。立君之子。亦順也。二順不可失

也。與子西。子期。謀。潛師閉塗。逆越女之子章

立之。而後還。潛師。密發也。閉塗。不通外。使也。越女。昭王妾。章。惠王。是歲

也。有雲如衆赤鳥。夾日以飛。三日。楚子使問

諸周大史。周大史曰。其當王身乎。日為人君。妖氣守之。

故以為當王身。雲在楚上。唯楚見之。故禍不及他國。若禳之。可移於令

尹司馬。禳。禳祭。音詠。王曰。除腹心之疾。而實諸

股肱。何益。不穀不有大過。天其天諸。有罪受

罰。又焉移之。遂弗禳。初。昭王有疾。卜曰。河為

祟。王弗祭。大夫請祭諸郊。王曰。三代命祀。祭

不越望。諸侯望祀。竟內山川星辰。江漢。睢漳。楚之望也。四水

在楚界。睢。七餘反。禍福之至。不是過也。不穀雖不德。

河非所獲罪也。遂弗祭。孔子曰。楚昭王知大

道矣。其不失國也宜哉。夏書曰：惟彼陶唐，帥

彼天常。逸書言堯循天之常道。有此冀方，今失其行，亂

其紀綱，乃滅而亡。滅亡謂夏桀也。唐虞及夏同都冀州，不易地而亡。由

於不知大道故。又曰：允出茲在茲，由己率

行如字。又下孟反。常可矣。又逸書言信出已。八月，齊邴意茲來奔

高國陳僖子使召公子陽生。召在七月。今在八月。下記事之。

次陽生駕而見南郭且于。且于齊公子鉏。在魯南郭。且子餘

反曰：嘗獻馬於季孫，不入於上乘，故又獻此。

請與子乘之。畏在家。人聞其言，故欲二人共載。以試馬為辭。上乘繩證反。

出萊門而告之，故門也。闕止，知也。先待諸外

闕止。陽生家臣子也。待外欲俱去。公子曰：事未可知，反與壬

也處。壬陽生子簡公。戒之，遂行。戒使無洩言。逮夜至於齊

國人知之。故以昏至，不欲令人知也。僖子

使子士之母養之。隱於僖子家內。與饋者皆

入。饋食之人。入處公宮。冬十月，丁卯，立之將

盟。盟諸大夫。鮑子醉而往，其臣差車鮑點。點，鮑牧臣也。差

車。主車之官。〔差〕所曰。此誰之命也。陳子曰。

受命于鮑子。遂誣鮑子曰。子之命也。見其醉。故誣之。

鮑子曰。女忘君之為孺子牛。而折其齒乎。而

背之也。孺子。茶也。景公嘗銜繩為牛。使茶牽之。茶頓地。故折其齒。〔折〕之。舌反。又

市列悼公稽首。悼公。陽生。曰。吾子奉義而行者也。

若我可。不必亡一大夫。言己可為君。必不怨鮑子。若我不

可。不必亡一公子。公子。自謂也。恐鮑子殺已。故要之。〔要〕一。遙反。義

則進。否則退。敢不唯子是從。廢興無以亂。則

所願也。鮑子曰。誰非君之子。乃受盟。言陽生亦君之

子。固可立。使胡姬以安孺子如賴。胡姬。景公妾也。賴。齊邑。安。號也。

去鬻姒。茶之母。去。起呂反。殺王甲。拘江說。囚王豹于

句賈之丘。三子。景公嬖臣。茶之黨也。〔說〕音悅。〔句〕音鈎。公使朱毛

告於陳子。朱毛。齊大夫。曰。微子則不及此。然君異

於器。不可以二。器二不匱。君二多難。敢布諸

大夫。僖子不對而泣。曰。君舉不信羣臣乎。舉。皆

也。〔難〕以齊國之困。困又有憂。內有飢荒之困。又有兵革

之少君不可以訪。是以求長君。庶亦能容羣

臣乎。不然。夫孺子何罪。毛復命。公悔之。言悔失

毛曰。君大訪於陳子。而圖其小。可也。大謂國政。小謂

殺茶使毛遷孺子於駘。不至。殺諸野幕之下。葬

諸及冒涪。恐駘人不從。故毛駐於野。張帳而

殺。經書秋者。史書秋。記始事。遂連其死。通以冬告魯。駘他才反。又徒來反。及音殊。

經七年春。宋皇瑗帥師侵鄭。晉魏曼多帥師

侵衛。夏公會吳于鄆。鄆今琅邪鄆縣。才陵反。瑗秋

公伐邾。八月己酉。入邾。以邾子益來。他國言歸於魯

言來外內之辭宋人圍曹。冬鄭駟弘帥師救曹。

傳七年春。宋師侵鄭。鄭叛晉。故也。定八年。鄭始叛晉

師侵衛。衛不服也。五年晉伐衛。至今未服夏公會吳于

鄆。吳欲霸中國吳來徵百牢。子服景伯對曰。先王

未之有也。吳人曰。宋百牢。我是時吳過宋得百牢魯不

可以後宋。且魯牢。晉大夫過十。晉大夫范鞅也。在昭二十

年一吳王百牢。不亦可乎。景伯曰。晉范鞅貪而

弃禮以大國懼敝邑故敝邑十一牢之君若

以禮命於諸侯則有數矣有常數若亦弃禮則

有淫者矣淫過也周之王也制禮上物不過十

二上物天牢以為天之數也天有十二次故制禮象之今

弃周禮而曰必百牢亦唯執事吳人弗聽景

伯曰吳將亡矣弃天而背本違周為背本不與必

弃疾於我放棄凶疾來伐擊我乃與之太宰嚭召季康

子嚭吳大夫康子使子貢辭太宰嚭曰國君道長

蓋言君長大於道而大夫不出門此何禮也

對曰豈以為禮畏大國也畏大國不敢大國

不以禮命於諸侯苟不以禮豈可量也寡君

既共命焉其老豈敢弃其國犬伯端委以治

周禮仲雍嗣之斷髮文身羸以為飾豈禮也

哉有由然也犬伯周犬王之長子仲雍犬伯弟也犬伯仲雍讓其弟季歷俱

適荆蠻遂有民衆犬伯卒無子仲雍嗣立不能行禮致化故效吳俗言其權時制宜以辟反自鄆以吳

○共音恭斷丁管反羸力果反

為無能為也

棄禮知其不能霸也

季康子欲伐邾。乃饗

大夫以謀之。子服景伯曰：小所以事大，信也。

大所以保小，仁也。背大國不信大國也。伐小國

不仁。民保於城，城保於德。失二德者，危將焉

保。二德，信與仁也。孟孫曰：二三子以為何如？怪諸大

故指惡賢而逆之。孟孫賢景伯，欲使大夫不問之，惡猶安也。惡音

鳥。對曰：禹合諸侯於塗山，執玉帛者萬國。諸

夫對也。諸侯執玉，附庸執帛。塗山在壽春東北。今其存者無數十焉。

唯大不字小，小不事大也。

言諸侯相伐，古來以然。○數所主反。

知必危，何故不言？

知伐邾必危，自當言。今不言者，不危故也。大夫以答

孟孫所怪。且魯德如邾，而以眾加之，可乎？孟孫附季孫。

忿答大夫。今魯德無以勝邾，但欲恃眾可乎。言不可。不樂而出。季孟意

不同。故罷饗。○秋，伐邾，及范門。邾郭也。猶聞鐘

聲。邾不大夫諫，不聽。茅成子請告於吳。成子，邾大

夫茅不許。曰：魯擊柝聞於邾。音問。又如字。吳

二千里，不三月不至，何及於我？且國內豈不

足言足以距魯成子以茅叛高平西南鄉亭師遂入邾

處其公宮衆師晝掠虜掠取財物也邾衆保于

繹繹邾山也師宵掠以邾子益來益邾隱公也晝夜掠

傳言康獻于亳社以其亡國囚諸負瑕負瑕

故有繹負瑕魯邑高平南平陽縣西北有瑕

故使相就邾茅夷鴻以束帛乘韋自請救於

吳無君命故言自曰魯弱晉而遠吳馮恃其

衆馮音憑而背君之盟辟君之執事辟陋匹亦

反以陵我小國邾非敢自愛也懼君威之不

立君威之不立小國之憂也若夏盟於鄆衍

鄆衍即鄆也鄆盟不書吳行夷禮秋而背之

成求而不違言魯成其所求無違逆也四方諸侯其何以

事君且魯賦八百乘君之貳也貳敵也魯以

貢於吳言其國大邾賦六百乘君之私也為私以私

奉貳唯君圖之吳子從之為明年吳宋人圍

曹鄭桓子思曰宋人有曹鄭之患也不可以

不救桓冬鄭師救曹侵宋初曹人或夢衆君

子立于社宮社宮也而謀亡曹曹叔振鐸請待

公孫彊許之振鐸曹始祖旦而求之曹無之戒其

子曰我死爾聞公孫彊為政必去之及曹伯

陽即位好田弋曹鄙人公孫彊好弋獲白鴈

獻之且言田弋之說說之因訪政事大說之

有寵使為司城以聽政夢者之子乃行彊言

霸說於曹伯曹伯從之乃背晉而奸宋宋人

伐之晉人不救築五邑於其郊曰黍丘捐丘

大城鍾邠為明年入曹傳也梁國下邑縣西南有黍丘亭○說如字說之音悅

霸說如字又始銳反捐音集一於入反邠音于

經八年春王正月宋公入曹以曹伯陽歸曹人

背晉而奸宋是以致討宋公既還而不忍褚師之誦怒而反兵一舉滅曹滅非本志故以

告吳伐我夏齊人取謹及闡不書伐兵未加而魯與之邑闡

在東平剛縣北○歸邾子益于邾秋七月冬

十有二月癸亥杞伯過卒無傳未同盟而赴以名○過古禾反

齊人歸謹及闡不言來命歸之無旨

傳八年春宋公伐曹將還褚師子肥子肥宋大

夫殿曹人詬之不行詬呼豆反

師待之公聞之怒命反之遂滅曹執曹伯及

司城彊以歸殺之終曹人吳為邾故將伐魯

問於叔孫輒輒問可伐不叔孫輒對曰魯有名

而無情有大國名伐之必得志焉退而告公

山不狃不狃亦魯人公山不狃曰非禮也君子違

不適讎國違也未臣而有伐之奔命焉死之

可也未臣所適之國若有伐本所託也則隱

曾所因託則且夫人之行也不以所惡廢鄉

為之隱惡且夫人之行也不以所惡廢鄉

子以小惡而欲覆宗國不亦難乎輒魯公族

若使子率子必辭王將使我子張病之子張

輒王問於子洩子洩不狃對曰魯雖無與立

能自必有與斃急則人人知懼諸侯將救之

立能自必有與斃皆將同死戰諸侯將救之

未可以得志焉。晉與齊楚輔之，是四讎也。魯與

而夫魯齊晉之唇，唇亡齒寒，君所知也。不救

何為？三月，吳伐我，子洩率故道險，從武城。故

險道欲使魯成備初，武城人或有因於吳，竟田焉。田僑

吳拘鄆人之漚管者，曰：何故使吾水滋？鄆人

田吳滋濁也。漚，烏豆反。管，古顏反。滋，音玄。又本作茲。子絲反。字林云：黑也。及吳

師至，拘者道之，以伐武城，克之。鄆人教吳主

犯嘗為之宰，澹臺子羽之父好焉。國人懼，王

吳大夫故嘗奔魯，為武城宰。澹臺，子羽武城人。孔子弟子也。其父與王犯相善。國人懼其

為內應。澹待甘反。懿子謂景伯若之，何對曰：吳師來

斯與之戰，何患焉？且召之而至，又何求焉？言

盟伐邾所吳師克東陽而進，舍於五梧。明日

舍於蠶室。魯地公賓庚、公甲叔子與戰于夷

獲叔子與析朱鉏。公賓庚、公甲叔子并析朱鉏為三人。皆同車。傳互言

之，獻於王。王曰：此同車，必使能國，未可望也。

同車能俱死，是國能使人，故不可望得。明日，舍于庚宗，遂次於

春秋左傳卷之九 襄公二十九年

泗上微虎欲宵攻王舍

微虎魯大夫

私屬徒七百

人三踊於幕庭

於張前設格。命士試躍。屬音燭。令力呈反。

卒三

百人有若與焉

卒終也。終得三百人狂行。有若孔子弟子與在三百人中。

及稷門之內

三百人行至稷門

或謂季孫

曰不足以害吳而多殺國士不如已也乃止

之吳子聞之一夕三遷

畏微虎也。息暫反。

吳人行

成

求與魯成

將盟景伯曰楚人圍宋易子而食析

骸而爨

在宣十五年

猶無城下之盟我未及虧而

有城下之盟是弃國也吳輕而遠不能久將

歸矣請少待之弗從景伯負載造於萊門

言以

不見從故負載書將欲出盟。輕去聲造七報反

乃請釋子服何於

吳吳人許之以王子姑曹當之而後止

釋舍也魯

人不以盟爲了欲因留景伯爲質於吳既得吳之許復求吳王之子以交質吳人不欲留

王子故遂兩止

吳人盟而還

不書盟恥吳夷

齊悼公之來也

在五年

季康子以其妹妻之即位而逆之季魴

侯通焉

魴侯康子叔父。魴音房

女言其情弗敢與也齊

侯怒夏五月齊鮑牧帥師伐我取謹及闡或

譖胡姬於齊侯胡姬景曰安孺子之黨也六

月齊侯殺胡姬傳言齊侯無道所以不終齊侯使如吳請

師將以伐我乃歸邾子齊未得季姬故請師也吳前為邾討魯懼

二國同心邾子又無道吳子使大宰子餘討

之子餘夫囚諸樓臺梃之以棘梃擁也使

諸大夫奉大子革以為政革邾子桓公也為十年邾子來奔

傳秋及齊平九月臧賔如如齊涖盟賔如臧會子

齊閻丘明來涖盟明閻丘嬰之子也且逆季

姬以歸嬖季姬鮑侯鮑牧又謂羣公子曰使

女有馬千乘乎有馬千乘使為君也鮑牧本不欲立陽生故諷動羣公子

女音汝公子愬之公謂鮑子或譖子子姑

居於潞以察之潞齊若有之則分室以行若

無之則反子之所出門使以三分之一行半

道使以二乘及潞麋之以入遂殺之麋亦東縛

反上隕冬十二月齊人歸謹及闡季姬嬖故也

經九年春王二月葬杞僖公無傳三月宋皇

瑗帥師取鄭師于雍丘書取覆而敗之雍丘縣屬陳留

反夏楚人伐陳秋宋公伐鄭冬十月

傳九年春齊侯使公孟綽辭師于吳齊與魯平故辭

師吳子曰昔歲寡人聞命今又革之不知所

從將進受命於君為十年吳鄭武子賸之嬖

許瑕求邑無以與之賸罕達也瑕請外取許

之瑕請取於他國也故圍宋雍丘宋皇瑗圍鄭師許瑕

師每日遷舍作壘塹成輒壘合鄭師哭子姚

救之大敗子姚武二月甲戌宋取鄭師于雍

丘使有能者無死惜其能也以邾張與鄭羅歸鄭

有能者邾古洽反夏楚人伐陳陳即吳故也宋公伐

鄭報雍秋吳城邾溝通江淮於邾江築城穿溝東北通射陽

湖西北至宋口入淮通糧道也今廣陵晉趙

鞅卜救鄭遇水適火水火占諸史趙史墨史

龜皆晉史龜曰是謂沈陽水故沈可以興兵

兵陰類也。故利以伐姜。不利子商。姜齊姓。子商謂宋。

伐齊則可。敵宋不吉。史墨曰：盈水名也。子水

位也。趙鞅姓盈。宋姓子。水盈坎。乃行。子姓。又得北方水位。名位敵不可

干也。二水俱盛。故不可干。炎帝為火師。神農有火瑞。以火名官。

姜姓其後也。水勝火。伐姜則可。史趙曰：是謂

如川之滿。不可游也。既盈而得水位。故為如。波流盛。不可馮。游言其

馮皮冰反。鄭方有罪。不可救也。鄭以嬖寵伐人。故以為有罪。救鄭則不吉。不知其他。宋救鄭則當伐。故不吉也。陽虎

以周易筮之。遇泰三三三。乾下坤上。泰之需三三三。乾下

坎上。需。泰六五變。曰：宋方吉。不可與也。不可與戰。泰六五曰：帝乙歸妹。以祉元吉。帝乙紂父。立為天子。故稱帝乙。陰而得中。有似王者嫁妹。得如其願。受福

祿而大吉。微子啓。帝乙之元子也。宋鄭甥舅也。宋鄭為昏姻。甥舅之國。宋為微子之社。祿也。若帝後。今卜得帝乙卦。故以為宋吉。

乙之元子。歸妹而有吉祿。我安得吉焉。乃止

吉在彼。則我冬。吳子使來倣師伐齊。前年齊

伐之為不吉。吳子使來倣師伐齊。與魯成而止。故

伐魯。齊既與魯謀伐齊。

吳恨之。反與魯謀伐齊。

經十年春王二月邾子益來奔公會吳伐齊

書會從三月戊戌齊侯陽生卒以疾赴故夏

宋人伐鄭無傳晉趙鞅帥師侵齊五月公至自

伐齊無傳葬齊悼公無傳衛公孟彊自齊歸于衛

無傳書歸齊納薛伯夷卒無傳赴以秋葬薛

惠公無傳冬楚公子結帥師伐陳吳救陳季子

陳人來告不以名

傳十年春邾隱公來奔齊錫也故遂奔齊終

言公會吳子邾子邾子伐齊南鄙師于郕

郕齊地邾邾不書兵并屬吳不齊人弒悼公

赴于師以說吳子三日哭于軍門之外徐承

帥舟師將自海入齊齊人敗之吳師乃還承

大夫夏趙鞅帥師伐齊經書侵大夫請卜之趙

孟曰吾卜於此起兵謂往歲卜伐宋不吉事

不再令再令卜不襲吉襲重行也於是乎取

犁及轅犁一名隰濟南有隰陰縣祝阿縣毀

高唐之郭。侵及賴而還。秋。吳子使來復。傲師。

伐齊未得志。故為明年。吳伐齊傳。復扶。又反。冬。楚子期伐陳。陳即吳故。

吳延州來季子救陳。謂子期曰。二君不務德。

二君。吳楚。而力爭諸侯。民何罪焉。我請退。以為子

名。務德而安民。乃還。季子。吳王壽夢少子也。壽夢以襄十二年卒。至

今七十七歲。壽夢卒。季子已能讓國。年當十五六。至今蓋九十餘。夢音蒙。

經。十有一年。春。齊國書帥師伐我。夏。陳轅頗

出奔鄭。書名。貪也。頗破。可反。又普多反。五月。公會吳伐齊。

甲戌。齊國書帥師及吳戰于艾陵。齊師敗績。

獲齊國書。公與伐而不與。艾陵。齊地。秋。七月。辛酉。滕子

虞母卒。無傳。赴以名。故書之。冬。十有一月。葬滕隱公。無傳。

衛世叔齊出奔宋。書名。淫也。

傳。十一年。春。齊為郕故。郕在。前年。國書。高無丕帥

師伐我。及清。清。齊地。濟北盧縣東。有清亭。丕。普悲反。季孫謂其

宰冉求。冉求。魯人。孔子弟子。曰。齊師在清。必魯故也。若

之。何求曰。一子守。二子從。公禦諸竟。季孫曰。

不能自度力不能使二子禦諸竟○求曰居

封疆之閒近封疆竟內季孫告二子二子叔孫

二子不可求曰若不可則君無出一子帥師

背城而戰不屬者非魯人也屬臣屬也言魯

之羣室衆於齊之兵車羣室都邑居家一室敵車優

矣子何患焉二子之不欲戰也宜政在季氏

言二子恨季氏專政故不盡力當子之身齊人伐魯而不能

戰子之恥也大不列於諸侯矣季孫使從於

朝使冉求隨已之公朝俟於黨氏之溝黨氏溝朝中地名○黨音掌

武叔呼而問戰焉問冉求對曰君子有遠慮小

人何知懿子強問之對曰小人慮材而言量

力而共者也言子所問非已材力所及故武

叔曰是謂我不成丈夫也知冉求非已不退

而蒐乘蒐閱孟孺子洩帥右師孺子孟懿子顏

羽御邴洩為右二子孟氏臣冉求帥左師管周父

御樊遲為右樊遲魯人孔子弟季孫曰須也

弱有子曰就用命焉雖年少能用命有子季

氏之甲七千冉有以武城人三百為已徒卒

步兵老幼守宮次于雩門之外南門也五日右

師從之五日乃從公叔務人昭公為見保

者而泣城守者曰事充煩政重賦稅上不能

謀士不能死何以治民吾既言之矣敢不勉

乎既言人不能死師及齊師戰于郊齊師自

稷曲地名師不踰溝樊遲曰非不能也不

信子也請三刻而踰之與眾三如之眾從之

如樊遲言師入齊軍冉求右師奔齊人從之

逐右陳瓘陳莊涉泗二陳齊大夫孟之側後

入以為殿之側孟氏抽矢策其馬曰馬不進

也不欲林不狃之伍曰走乎不狃魯士五人

不狃曰誰不如我欲走誰曰然則止乎不狃

曰惡賢言止戰惡足為賢皆徐步而死徐行

言魯非無壯士使師獲甲首八十冉求齊人不

能師不能整其師宵謀曰齊人遁謀也冉有請從

之三季孫弗許孟孺子語人曰我不如顏羽

而賢於邴洩二子與孟孺子同子羽銳敏羽疾也言欲戰

我不欲戰而能默心雖不欲口不言奔

洩曰驅之言驅馬公為與其嬖僮汪錡乘皆

死皆殞皆俱也孔子曰能執干

戈以衛社稷可無殤也時人疑童冉有用矛

於齊師故能入其軍孔子曰義也言能以義勇不書戰

不皆陳也。不書。敗。勝負不殊。夏陳轅頗出奔鄭初轅頗為

司徒賦封田以嫁公女封內之田有餘以為

己大器大器鐘鼎之屬國人逐之故出道渴其族轅

咺進稻醴梁糗糗乾飯也股脯焉反。一昌紹反。股丁亂

喜曰何其給也對曰器成而具具此曰何

不吾諫對曰懼先行恐言不從為郊戰故公

會吳子伐齊欲以報也五月克博壬申至于

嬴博。嬴。齊邑也。二中軍從王吳中胥門巢將

上軍王子姑曹將下軍展如將右軍三將吳大夫

齊國書將中軍高無平將上軍宗樓將下軍

陳僖子謂其弟書爾死我必得志書子占也欲獲死事

之功宗子陽與閻丘明相厲也相勸厲致死也桑

掩胥御國子國子國書公孫夏曰二子必死亦勸勉之

將戰公孫夏命其徒歌虞殯虞殯送葬歌曲示必死陳

子行命其徒具含玉子行陳逆也具含玉亦示必死

郎反公孫揮命其徒曰人尋約吳髮短約繩也八尺為

尋吳髮短欲以繩貫其首東郭書曰三戰必死於此三矣

三戰夷儀五氏與今使問弦多以琴弦多齊人也六曰

吾不復見子矣言將死戰陳書曰此行也吾聞鼓

而已不聞金矣鼓以進軍金以退軍不聞金言將死也傳言吳師彊齊人

皆自知將敗甲戌戰于艾陵展如敗高子齊上軍國

子敗胥門巢吳上軍亦敗王卒助之大敗齊師獲

國書公孫夏閻丘明陳書東郭書革車八百

乘甲首三千以獻于公公以兵從故以勞公從才用反又如字

勞力將戰吳子呼叔孫叔孫州仇曰而事何也

職問何對曰從司馬從吳司馬所命王賜之甲劔鉞曰

奉爾君事敬無廢命叔孫未能對衛賜進子賜

貢孔子弟子也曰州仇奉甲從君而拜拜受

公使大史固歸國子之元歸於齊也元首寘

之新篋髮薦也以立纁髮音尉加組帶焉寘

書于其上曰天若不識不衷何以使下國言天

識不善故殺國子吳將伐齊越子率其眾以朝焉王

及列士皆有饋賂吳人皆喜唯子胥懼曰是

參吳也夫參養也若人養犧諫曰越在我心

腹之疾也壤地同而有欲於我欲得夫其柔

服求濟其欲也不如早從事焉從事擊之得志於

齊猶獲石田也無所用之石田不可耕越不為沼

吳其泯矣使醫除疾而曰必遺類焉者未之

有也盤庚之誥曰其有顛越不共則劓殄無

遺育無俾易種于茲邑盤庚商書也顛越不共從橫不承命者也

生種類也。歿絕也。育長也。俾使也。易種轉。是商

所以興也。今君易之。將以求大。不亦難乎。弗

聽。使於齊。屬其子於鮑氏。為王孫氏。私使人至齊屬

以其子改姓為王孫。欲辟吳禍。屬音燭。下同。反役。王聞之。使賜之

屬鏹以死。艾陵役也。屬鏹。劍名。將死曰樹吾

墓。檟。檟可材也。吳其亡乎。三年。其始弱矣。盈

必毀。天之道也。越人朝之。伐齊勝之。盈之秋。極也。為十三年越伐吳起。

季孫命脩守備。曰。小勝大禍也。齊至無日矣。

善有備。守手又反。冬。衛大叔疾出奔宋。疾即齊也。初。疾娶

于宋子朝。子朝。宋人。仕衛為大夫。其娣嬖。娣。所娶女之娣。子朝

出奔。孔文子使疾出其妻。而妻之。疾使侍人

誘其初妻之娣。寘於犁。犁。衛邑。妻之。去聲。而為之一

宮。如二妻。文子怒。欲攻之。仲尼止之。遂奪其

妻。或淫于外州。外州人奪之。軒以獻。外州。衛邑。軒。車

也。以獻。恥是二者。故出衛人立遺。使室孔姑

遺。疾之弟。孔姑。孔文子之疾。疾之妻。疾臣向魍。魍。為宋向

〔難〕徒回反納美珠焉與之城鉏城鉏宋邑宋公求珠難

不與由是得罪及桓氏出出在十年城鉏人攻

大叔疾衛莊公復之聽使使處巢死焉殯於

鄆葬於少禘終言疾之失所也巢鄆音云初晉悼

公子懋亡在衛使其女僕而田僕御田獵

征領大叔懿子止而飲之酒懿子犬叔儀之

遂聘之生悼子悼子犬叔疾悼子即位故夏戊為

大夫夏戊悼子之甥悼子亡衛人翦夏戊翦削其爵邑孔

文子之將攻大叔也訪於仲尼仲尼曰胡簋

之事則嘗學之矣胡簋禮器名夏曰胡周曰簋甲兵之事

未之聞也退命駕而行曰鳥則擇木木豈能

擇鳥以鳥自喻文子遽止之曰圍豈敢度其私訪

衛國之難也圍文子名度謀也將止仲尼

魯人以幣召之乃歸於是自衛反魯樂季孫

欲以田賦丘賦之法因其田財通出馬一疋

一賦故言田賦使冉有訪於仲尼仲尼曰

別如字又彼列反

丘不識也。三發三發問卒曰卒終也子為國老待

子而行。若之何？子之不言也。仲尼不對不答。

而私於冉有曰：君子之行也，行政度於禮，施

取其厚，事舉其中，斂從其薄。如是則以丘亦

足矣。丘。十六井。出戎馬一疋。牛三頭。是賦之常法。○施尸鼓反。若不度於

禮而貪冒無厭，則雖以田賦將又不足。且子

季孫若欲行而法，則周公之典在。若欲苟而

行，又何訪焉？弗聽。為明年用田賦傳。○冒亡北反。又如字。厭平聲。

經十有二年春，用田賦。直書之者，以夏五月

甲辰，孟子卒。魯人諱娶同姓，謂之孟。公會吳

于橐臯。橐臯在淮南。逡，縣東南。○橐音託。逡音峻。適音囚。秋，公

會衛侯、宋皇瑗于鄭。鄭發陽也。廣陵海陵縣東南，有發繇口。宋

向巢帥師伐鄭。冬，十有二月，螽。周十二月。今十月。是歲應

置閏而失不置。雖書十二月，實今之九月。司歷誤一月。九月初尚溫，故得有螽。

傳十二年春，王正月，用田賦。終前夏五月，昭

夫人孟子卒。昭公娶于吳，故不書姓。諱娶同姓，故請

之孟子。死。不赴。故不稱夫人。不稱夫人。故不言薨。不反。

哭。故不言葬小君。反哭者。夫人禮也。以同。姓故。不成其夫人喪。孔

子與弔。適季氏。季氏不絕。放經而拜。孔子始。老。故與。弔也。絕。喪冠也。孔子以小君禮往弔。季孫不。服喪。故去經。從主節制。與音預。絕音問。

公會吳于橐臯。吳子使大宰嚭請尋盟。尋。鄭。盟。

公不欲。使子貢對曰。盟所以周信也。周。固。故。心。

以制之。制其。義。玉帛以奉之。奉。贄。明神。言以結之。其。

信。明神以要之。要。禍。福。寡君以為苟有盟焉。弗。

可改也已。若猶可改。日盟何益。今吾子曰。必

尋盟。若可尋也。亦可寒也。尋。重也。寒。敬也。乃不尋盟。

吳徵會于衛。初。衛人殺吳行人。且姚而懼。謀

於行人子羽。子羽。衛大夫也。且。子餘反。子羽曰。吳方無

道。無乃辱吾君。不如止也。子木曰。吳方無道。

子木。衛大夫。國無道。必弃疾於人。吳雖無道。猶足

以患衛。為衛。患也。往也。長木之斃。無不標也。標。擊。也。

敷蕭反。又。國狗之瘕。無不噬也。瘕。狂也。噬。齧。也。吉世。

普交反。

春秋左傳卷之九

反而況大國乎。秋，衛侯會吳于郟。公及衛侯

宋皇瑗盟。盟不書。畏吳竊盟。而卒辭吳盟。吳人藩衛

侯之舍。籬藩。子服景伯謂子貢曰：夫諸侯之會

事既畢矣。侯伯致禮，地主歸餼。侯伯致禮以禮賓也。地主

所會主人也。餼，生物。以相辭也。各以禮相辭讓。今吳不行禮於

衛而藩其君舍以難之。難，苦也。子盍見大宰，乃

請束錦以行。以賂吳。語及衛故。若本不為衛請者。大宰

嚳曰：寡君願事衛君，衛君之來也，緩寡君懼

故將止之。止，執也。子貢曰：衛君之來，必謀於其衆

其衆或欲或否，是以緩來。其欲來者，子之黨

也。其不欲來者，子之讎也。若執衛君，是墮黨

而崇讎也。墮，毀也。許規反。夫墮子者，得其志矣。且

合諸侯而執衛君，誰敢不懼。墮黨崇讎而懼

諸侯，或者難以霸乎。大宰嚳說，乃舍衛侯。衛

侯歸，效夷言。子之尚幼。子之，公孫彌牟。說音悅。舍音捨。又音赦。

曰：君必不免，其死於夷乎。執馬而又說其言。

從之固矣

出公輒後卒死於越

冬十二月螽季孫問諸

仲尼仲尼曰丘聞之火伏而後蟄者畢

火伏在今十月今火猶西流司歷過也

猶西流言未盡沒知是九月釋例論之備宋鄭之間有隙地焉

彌作頃丘玉暢岳戈錫凡六邑。彌亡支反。又亡爾反。頃苦穎反。

錫又音傾。岳五咸反。音羊。一星歷反。子產與宋人為成曰勿有

是俱奔及宋平元之族自蕭奔鄭在定十年鄭

人為之城岳戈錫城以處平元之族九月宋向巢伐

鄭取錫殺元公之孫遂圍岳十二月鄭罕達

救岳丙申圍宋師此事經在十二月螽上。今倒在下。更具列其月以為

別者。丘明本不以為義例。故不皆齊同。

經十有三年春鄭罕達帥師取宋師于岳書取

覆而夏許男成卒無傳公會晉侯及吳子于黃

池陳留封丘縣南有黃亭。近濟水。夫差欲霸中國。尊天子。自去其僭號而稱子。以告今

諸侯。故史承而書之。楚公子申帥師伐陳無傳於

越○去起呂反入吳秋公至自會無傳晉魏曼多帥師侵衛

無傳葬許元公無傳九月螽無傳冬十有一月有

星孛于東方無傳平旦衆星皆沒而孛乃見

見賢盜殺陳夏區夫無傳稱盜非大十有二

月螽無傳前年季孫雖聞仲尼之言而不正

月復扶又反

傳十三年春宋向魋救其師救前年鄭子賡

使徇曰得桓魋者有賞魋也逃歸遂取宋師

于岳獲成謹郟延二子宋大夫謹火官以

六邑為虛空虛之夏公會單平公晉定公吳

夫差于黃池平公周卿士也不六月丙子越

子伐吳為二隧隧道疇無餘謳陽自南方二

夫越大先及郊吳犬子友王子地王孫彌庸壽

於姚自泓上觀之觀越師泓水名彌庸見姑

蔑之旗姑蔑越地今東陽夫宋曰吾父之旗

也彌庸父為越所獲故不可以見讎而弗殺

也犬子曰戰而不克將亡國請待之彌庸不

春秋三十九 四

可屬徒五千

屬會也。屬音燭。

王子地助之。乙酉戰。

彌庸獲疇無餘地。獲謳陽。越子至。王子地守。

丙戌復戰。大敗吳師。獲犬子友。王孫彌庸壽。

於姚。地守。故不獲。又反。丁亥入吳。吳人告敗。

于王。王惡其聞也。惡諸侯聞之。烏路反。自到七人於

幕下。以絕口。古頂反。秋七月辛丑盟。吳晉爭先。歆

血先。吳人曰。於周室我為長。吳為犬伯後。故為長。長上聲。

晉人曰。於姬姓我為伯。為侯。趙鞅呼司馬寅

寅音。曰。日旰矣。旰晚也。古旦反。大事未成。二臣之

罪也。大事盟也。二臣鞅與寅。建鼓整列。二臣死之。長幼

必可知也。對曰。請姑視之。反曰。肉食者無墨

墨氣。色下。今吳王有墨。國勝乎。國為敵。所勝。犬子死乎。

且夷德輕。不忍久。請少待之。少待。無與爭。輕遣政反。乃

先晉人。盟不書。諸侯恥之。故不錄。吳人將以公見晉侯。子

服景伯對使者曰。王合諸侯。則伯帥侯。牧以

見於王。伯。王官伯。侯牧。方伯。見晉。賢遍反。以見賢遍反。伯合諸

侯則侯帥子男以見於伯伯諸侯長自王以下朝

聘玉帛不同故敝邑之職貢於吳有豐於晉

無不及焉以為伯也今諸侯會而君將以寡

君見晉君則晉成為伯矣敝邑將改職貢魯

賦於吳八百乘若為子男則將半邾以屬於

吳半邾三百乘而如邾以事晉如邾六百乘且執事以

伯召諸侯而以侯終之何利之有焉吳人乃

止既而悔之謂景伯欺之將囚景伯景伯曰何也

立後於魯矣何景伯名將以二乘與六人從遲速

唯命遂囚以還及戶牖戶牖陳留外黃縣西北東昏城是○從才

用反謂犬宰曰魯將以十月上辛有事於上帝

先王季辛而畢何世有職焉有職於祭事自襄以

來未之改也魯襄公若不會祝宗將曰吳實然

言魯祝宗將告神云景伯不會坐為吳所囚吳人信鬼故以是恐之且謂魯不

共而執其賤者七人何損焉犬宰謗言於王

曰無損於魯而祇為名適為惡名不如歸之乃歸

景伯。吳申叔儀乞糧於公孫有山氏。申叔儀吳大夫。

公孫有山魯大夫。舊相識。曰。佩玉纒兮。余無所繫之。纒然服飾。

備也。已獨無以繫佩。言吳王不恤下。○〔繫〕而捶反。旨酒一盛兮。余與

褐之父睨之。一盛。一器也。睨。視也。褐。寒賤之人。言但得視。不得飲。○〔盛〕音成。

又。市政反對曰。梁則無矣。麤則有之。若登首

山以呼曰。庚癸乎。則諾。軍中不得出糧。故為私隱。庚。西方。主穀。癸。

北方。主水。傳言吳子不與士共飢渴。所以亡。○〔呼〕火故反。王欲伐宋。殺其

丈夫。而囚其婦人。以宋不會黃池。故言吳子悖惑。大宰嚭曰。

可勝也。而弗能居也。乃歸。冬。吳及越平。終伍食之。

言

春秋經傳集解哀公上第二十九

春秋卷二十九考證

哀公元年傳冬十月晉趙鞅伐朝歌。十月彙纂定本殿本閣本俱作十一月與此異

六年傳再敗楚師註前已敗於柏舉。柏舉殿本閣本作柏人案柏人晉邑名前年晉納荀寅於此定四年入郢之役楚乃敗於柏舉非柏人原本是也

八年齊人取讎及闡註闡在東平剛縣北。剛殿本閣本作劉非案水經註汶水西南逕剛縣北應劭曰剛城故闡邑也戰國時爲齊之剛邑秦昭王三十六年取齊剛壽即此漢置剛縣屬泰山郡晉曰剛平寰

字記云剛故城在寧陽縣今寧陽東北三十五里有
故剛城皆剛字確證

十一年傳公叔務人。殿本及正嘉本作公孫務人
案十三經義疑謂北監本則然識之以備參考閣本
作公務務人非

賦封田以嫁公女註封內之田悉賦稅之。悉猶概也
概稅封內之田以嫁公女。殿本閣本悉作急于義
未協

梁糗服脯焉。服應改服案郊特牲釋文加薑桂曰服
修公羊傳註服修者脯也並丁亂反从肉从段不从

段从段者乃古鷓切集韻所謂腸疾者是

十二年公會衛侯宋皇瑗于鄖註廣陵海陵縣東南有
發繇口。發繇口。殿本閣本杜林合註本作發繇
亭

十三年公會晉侯及吳子于黃池註故史承而書之。
史。殿本閣本作使非此史字指諸侯之史觀疏云
諸侯之策承而書曰吳子可見且列國之史豈吳所
能使之耶

傳以六邑為虛註空虛之各不有。案六邑即彌作頃
丘玉暢品戈錫也空虛之者仍置為閒田也各不有

者宋鄭各不有也諸本作空虛之名不有于義未協

春秋經傳集解哀公下第三十

杜氏

盡二十七年

經十有四年春西狩獲麟麟者仁獸聖王之嘉瑞也時無明王

出而遇獲仲尼傷周道之不興感嘉瑞之無應故因魯春秋而脩中興之教絕筆於獲麟

之一句所感而作固所以為終也冬獵曰狩蓋虞人脩常職故不書狩者大野在魯西故

言西狩得小邾射以句繹來奔射小邾大夫

用曰獲麟故射不在三叛人之數自此以

秋止於獲麟故射不在三叛人之數自此以夏四月齊陳恒執

卒故并錄以續孔子所脩夏四月齊陳恒執

之經○射音亦句古侯反夏四月齊陳恒執

春秋三十

其君寘于舒州。庚戌，叔還卒。無傳。五月，庚申朔，

日有食之。無傳。陳宗豎出奔楚。無傳。上主反。○豎宋向

魍入于曹以叛。曹，宋邑。向，舒亮反。莒子狂卒。無傳。○狂，其廷

反。六月，宋向魍自曹出奔衛。宋向巢來奔齊。

人弒其君壬于舒州。秋，晉趙鞅帥師伐衛。無傳。

○鞅於八月，辛丑，仲孫何忌卒。冬，陳宗豎自

楚復入于陳，陳人殺之。無傳。○復陳轅買出

奔楚。無傳。有星孛。無傳。不言所饑。無傳。

傳十四年春，西狩於大野。叔孫氏之車子鉏

商獲麟。大野，在高平鉅野縣東北。大以為不

祥，以賜虞人。時所未嘗見，故怪之。仲尼觀之

曰：麟也。然後取之。言魯史所以小邾射以句

繹來奔，曰：使季路要我，吾無盟矣。子路信誠，故欲得與

相要誓而不須盟。孔子弟子，既續書魯策以

繫於經。丘明亦隨而傳之，終於哀公。以卒前

事，其異事則皆略而不傳，故此經使子路。子

路辭，季康子使冉有謂之曰：千乘之國，不信

春秋卷之三十一

二

十一

其盟而信子之言。子何辱焉。對曰：魯有事于

小邾，不敢問故，死其城下，可也。彼不臣而濟

其言，是義之也。由弗能也。齊成齊簡公之在魯

也，闕止有寵焉。簡公悼公陽生子壬也。闕止

反及即位，使為政。陳成子憚之，驟顧諸朝。成

陳常心不安。故數顧之。諸御鞅言於公。鞅齊大夫。曰：陳闕不

可竝也。君其擇焉。擇用一人。弗聽。子我夕視陳

逆殺人，逢之。陳逆子行。陳氏宗也。子我逢之。遂執以入，至朝

陳氏方睦。欲謀齊國。故宗族和。使疾而遺之潘沐，備酒

肉焉。使詐病。因內潘沐。并得內酒肉。潘音翻。饗守

囚者，醉而殺之，而逃。子我盟諸陳於陳宗。失

逆。懼其反為患。故盟之。初，陳豹欲為子我臣。豹亦陳氏族。使

公孫言已。言已介。達之。已有喪而止。既而言之。既終。

喪也。曰：有陳豹者，長而上僂。肩背僂。長如字。又上聲。僂力主反。

望視。目望。事君子必得志。得君意。欲為子我臣，吾

憚其為人也。詐。恐多。故緩以告。子我曰：何害。是

春秋左傳卷之三十 襄公八年 三十一

其在我也。使為臣。他日與之言政。說遂有寵。

謂之曰。我盡逐陳氏而立女。若何。對曰。我遠

於陳氏矣。言已疏遠。〔說〕音悅〔女〕音汝〔遠〕如字。又于萬反。且其違者。

不過數人。從也。何盡逐焉。遂告陳氏。子行曰。

彼得君。弗先必禍。子行舍於公宮。子行逃而隱於

陳氏。今又夏五月壬申。成子兄弟四乘如公

隱於公宮。成子之兄弟。昭子莊。簡子齒。宣子夷。穆子安。廩丘子意茲。芒子盈。惠子得。凡八人。二人共

一乘。子我枉幄。幄。帳也。聽。出逆之。遂入閉門。子成

入。反閉門。子我侍人禦之。子我子行殺侍人。素在內。故

得殺之。公與婦人飲酒于檀臺。成子遷諸寢。公

使居正寢。公執戈將擊之。疑其欲大史子餘曰。非

不利也將除害也。言將為成子出舍于庫。以

怒。故聞公猶怒。將出。曰。何所無君。子行抽劔曰。

需事之賊也。言需疑則害事。誰非陳宗。言陳氏宗族衆多。所

不殺子者。有如陳宗。言子若欲出。我必乃止。

子我歸。屬徒攻闈與大門。闈。宮中小門。犬門。公門也。屬之欲

反皆不勝。乃出。陳氏追之。失道於弇中。適豐

丘。弇中。狹路。豐丘。陳氏邑。豐丘人執之以告。

殺諸郭關。齊關名。成子將殺大陸子方。子方。子我臣。

陳逆請而免之。以公命取車於道。子方取道中行人車。

及彤。眾知而東之。知其矯命。奪車逐。出雍門。

齊城門也。陳豹與之車。弗受。曰：逆為余請。

豹與余車。余有私焉。事子我而有私於其讎。

何以見魯衛之士。傳言陳氏務施。東郭賈奔

哀十四年

衛賈即子方。庚辰。陳恒執公于舒州。公曰：吾早從

鞅之言。不及此。悔不誅陳氏。宋桓魋之寵害於公

特寵。公使夫人驟請享焉。而將討之。夫人。景驕盈。

數請享飲。欲未及。魋先謀公。請以鞶易薄。鞶。向

因請討之。鞶。薄。公邑。欲因易。公曰：不可。薄宗邑也。宗

邑。為公享宴而作亂。所乃益鞶七邑。而請享公焉。偽喜於受賜。以日中

為期。家備盡往。甲兵之備。公知之。告皇野曰：余長

魋也。少長育之。皇野。司馬子仲。今將禍余。請即救司

春秋左傳卷之三十

五

馬子仲曰有臣不順神之所惡也而況人乎

敢不承命不得左師不可左師向魋兄向請

以君命召之左師每食擊鐘聞鐘聲公曰夫

子將食既食又奏樂奏公曰可矣以乘車往曰

迹人來告主迹禽獸者曰逢澤有介麋焉地理志

在滎陽開封縣東北遠疑非公曰雖魋未來

得左師吾與之田若何皇野稱君憚告子以難

遊戲煩大臣野曰嘗私焉嘗試君欲速故

以乘車逆子與之乘至公告之故拜不能起

司馬曰君與之言使公與公曰所難子者上

有天下有先君言雖誅魋要不負對曰魋之

不共宋之禍也敢不唯命是聽司馬請瑞焉

瑞符節以命其徒攻桓氏桓氏向魋其父兄故臣

曰不可司馬故臣與其新臣曰從吾君之命

遂攻之子頡騁而告桓司馬子頡桓魋弟桓

頡音司馬欲入入攻子車止之車亦曰不能

春秋左傳卷之二十一 宣公六年

事君而又伐國民不與也祇取死焉向魍遂

入于曹以叛哀八年宋滅曹以為邑六月使左師巢伐

之欲質大夫以入焉巢不能克魍恐公怒欲得國內大夫為質還入

國○質不能亦入于曹取質不能得大夫故入曹劫曹人子

弟而質之魍曰不可既不能事君又得罪于

民將若之何乃舍之舍曹子弟○舍音赦又音捨民遂叛

之向魍奔衛向巢來奔宋公使止之曰寡人

與子有言矣不可以絕向氏之祀辭曰臣之

罪大盡滅桓氏可也若以先臣之故而使有

後君之惠也若臣則不可以入矣司馬牛致

其邑與珪焉而適齊牛桓魍弟也珪守邑符信向魍出於

衛地公文氏攻之公文氏衛大夫求夏后氏之璜焉

與之他玉而奔齊陳成子使為次卿司馬牛

又致其邑焉而適吳亦不與魍同吳人惡之而反

趙簡子召之陳成子亦召之卒於魯郭門之

外阮氏葬諸丘輿阮氏魯人也泰山南城縣西北有輿城錄其卒葬所

在。愍賢者失所。○〔惡〕甲午。齊陳恒弒其君壬去聲。阮音坑。或音岡。

于舒州王簡公也。孔丘三日齊而請伐齊。三。公曰。

魯為齊弱久矣。子之伐之。將若之何。對曰。陳

恒弒其君。民之不與者半。以魯之眾。加齊之

半。可克也。公曰。子告季孫。孔子辭辭不告。○

〔三〕如字。又去聲。退而告人曰。吾以從大夫之後也。故

不敢不言。嘗為大夫而初。孟孺子洩將圍馬

於成。洩。孟懿子之子。孟武伯也。圍。畜養也。成。孟氏邑。成宰公孫宿不

受。曰。孟孫為成之病。不圍馬馬。病。謂民貧困。○〔為〕于偽反。

孺子怒。襲成。從者不得入。乃反。成有司使孺

子鞭之。恨恚。故鞭成。有司秋。八月。辛丑。孟懿

子卒。成人奔喪。弗內。袒免。哭于衢。聽共。弗許。

請聽命共使。○〔內〕如字。又音納。〔共〕音恭。懼不歸。不敢歸成。為

經。十有五年。春。王正月。成叛。夏。五月。齊高無

平出奔北燕。無傳。鄭伯伐宋。無傳。秋。八月。大雩。無傳。

晉趙鞅帥師伐衛。無傳。冬。晉侯伐鄭。無傳。及齊平。

魯與齊平衛公孟彊出奔齊無傳○苦侯反

傳十五年春成叛于齊武伯伐成不克遂城

輸以偏夏楚子西子期伐吳及桐汭宣城廣德縣西

南有桐水出白石山西北入丹陽湖陳侯使公孫貞子弔焉弔為

楚所及良而卒良吳地將以尸入聘禮若賓死未將命則既

斂於棺造於朝介將命吳子使大宰嚭勞且辭曰以水

潦之不時無乃廩然隕大夫之尸廩然傾動貌○勞力

報以重寡君之憂寡君敢辭上介芋尹蓋對

蓋陳大夫曰寡君聞楚為不道蔣伐吳國重蔣

也滅厥民人寡君使蓋備使弔君之下吏猶備

副也○備使無祿使人逢天之感大命隕隊

絕世于良絕世猶言弃世廢日共積廢行道之日以共具殯斂所積

聚之用○共音恭積子賜反又如字一日遷次一日便遷次不敢留君命今

君命逆使人曰無以尸造于門是我寡君之

命委于草莽也且臣聞之曰事死如生禮也

於是乎有朝聘而終以尸將事之禮朝聘而道死則

以尸行事又有朝聘而遭喪之禮遭所聘若不以

尸將命是遭喪而還也無乃不可乎以禮防

民猶或踰之今大夫曰死而奔之是奔禮也

其何以為諸侯主謂主盟也先民有言曰無穢虐

士虐士死者備使奉尸將命苟我寡君之命達于

君所雖隕于深淵則天命也非君與涉人之

過也吳人內之傳言弇尹蓋知禮秋齊陳瓘

如楚瓘陳恒之兄子玉也過衛仲由見之仲由子路曰

天或者以陳氏為斧斤既斲喪公室而他人

有之不可知也其使終饗之亦不可知也饗受

也○喪去聲若善魯以待時不亦可乎何必惡焉

仲由事孔子故為魯言子玉曰然吾受命矣子使告我

弟弟成子也冬及齊平子服景伯如齊子贛為介

見公孫成公孫成成宰公孫宿也○贛與貢同曰人皆臣人而

有背人之心況齊人雖為子役其有不貳乎

言子叛魯齊人亦將叛子子周公之孫也多饗大利猶思

不義利不可得而喪宗國將焉用之

喪宗國謂以邑

入齊使魯有危亡之禍

成曰善哉吾不早聞命

傳言仲尼之徒

皆忠於魯國

陳成子館客

使景伯子

曰寡君使恒

告曰寡人願事君如事衛君

言衛與齊同好而魯未肯

伯揖子贛而進之對曰寡君之願也昔晉人

伐衛

在定八年

齊為衛故伐晉冠氏喪車五百

在定

九年冠氏陽平館陶縣為去聲冠如字又古喚反

因與衛地自濟以

西。禚媚杏以南書社五百

二十五家為一社籍書而致之○

諸若反

吳人加敝邑以亂

在八年

齊因其病取謹

與聞

亦在八年

寡君是以寒心若得視衛君之事

君也則固所願也成子病之乃歸成

孫宿以其兵甲入于贏

贏齊邑

衛孔圉取大子

蒯聵之姊生悝

孔圉孔文子也蒯聵姊孔伯

苦回反下同

孔氏之豎渾良夫長而美孔文子卒

通於內

通伯姬○渾戶

大子在戚孔姬使之

焉

使良夫詣大子所○使去聲又如字

大子與之言曰苟使我

入獲國服冕乘軒三死無與冕大夫服軒大夫車三死死罪

三〇無與音預與之盟為請於伯姬良夫為子請閏月良

夫與犬子入舍於孔氏之外圍圍園昏二人蒙

衣而乘二人犬子與良夫蒙衣為婦人服也乘去聲下同寺人羅御

如孔氏孔氏之老嬖寧問之稱姻妾以告稱自

昏姻家妾遂入適伯姬氏既食孔伯姬杖戈而先

犬子與五人介輿貶從之介被甲輿貶迫孔

悝於廁強盟之孔氏專政故劫孔悝遂劫以

登臺樂寧將飲酒炙未熟聞亂使告季子季子路也為孔氏邑宰

召獲駕乘車召獲衛大夫駕乘車

行爵食炙奉衛侯輒來奔季子

將入遇子羔將出子羔衛大夫高柴曰門已

閉矣季子曰吾姑至焉且欲至門子羔曰弗及不

踐其難言政不及已可不須踐季子曰食焉

不辟其難謂食孔氏祿子羔遂出子路入及門公

孫敢門焉守門曰無入為也言輒已出入季子曰

春秋三十一

是公孫也。求利焉而逃其難，由不然。利其祿，必救其患。有使者出，乃入。因門開曰：「犬子焉用孔悝？雖殺之，必或繼之。」言已必繼孔悝，為難攻犬子。且曰：「犬子無勇，若燔臺半，必舍孔叔。」犬子聞之，懼，下石乞，盂黶敵子路。二子，蒯瞶黨敵當也。舍音捨，又如字。黶不使冠在地，結纓而死。孔子聞衛亂，曰：「柴也。」其來由也死矣。孔悝立莊公。莊公，蒯瞶也。莊公害

於滅反

以戈擊之，斷纓。子路曰：「君子死，冠不免。」

不使冠在地，結纓而死。

孔子聞衛亂，曰：「柴也。」

其來由也死矣。孔悝立莊公。莊公害

故政欲盡去之。

故政，輒之臣。去起呂反。

先謂司徒瞞成

曰：「寡人離病於外久矣，子請亦嘗之。」歸告褚

師比，欲與之伐公，不果。

比，褚師聲子。為明年瞞成奔起。瞞莫干

反褚中呂反

經十有六年春，王正月己卯，衛世子蒯瞶自

戚入于衛，衛侯輒來奔。

書此春皆從告。

二月，衛子還

成出奔宋。

即瞞成。

夏四月己丑，孔丘卒。

仲尼既告老去。

位猶書卒者，魯之君臣宗其聖德，殊而異之。魯襄二十二年生，至今七十三也。四月十八

日乙丑。無已丑。已丑。五月十二日。日月必有誤。○孔子卒。孔子作春秋。終於獲麟之一句。公羊穀梁經是也。弟子欲記聖師之卒。故採魯史記。以續夫子之經。而終於此。已明因隨而作傳。終於哀公。從此已下。無復經矣。魯襄二十二年生。至今七十三也。

傳十六年春。瞞成。褚師比。出奔宋。欲伐莊公。不果而奔。

衛侯使鄆武子告于周。武子。衛大夫。臧也。○鄆。於晚反。曰。蒯

聶得罪于君父君母。逋竄于晉。晉以王室之

故。不棄兄弟。寘諸河上。河上。威也。天誘其衷。獲嗣

守封焉。使下臣臧敢告執事。王使單平公對

曰。臧以嘉命來告余一人。往謂叔父。余嘉乃

成世。復爾祿次。敬之哉。繼父之世。還居君之祿次。方天之

休。言天方授爾以休。弗敬弗休。悔其可追。傳終蒯夏。贖之事。

四月己丑。孔丘卒。公誅之曰。旻天不弔。不懋

遺一老。俾屏余一人。以在位。仁覆閔下。故稱旻天。弔。至也。懋。

且也。俾。使也。屏。蔽也。○誅。力軌反。○如字。又音的。懋。魚覲反。屏。必領反。熒熒余

在疚。嗚呼哀哉。尼父無自律。疚。病也。律。法也。言喪尼父。無以

自為法。○子贛曰。君其不沒於魯乎。夫子之

言曰禮失則昏名失則愆失志為昏失所為

愆生不能用死而誅之非禮也稱一人非名

也天子稱一人君兩失之六月衛侯飲孔悝

酒於平陽東郡燕縣東重酬之大夫皆有納

焉納財賄也醉而送之夜半而遣之夜遣者慙負

人載伯姬於平陽而行載其母及西門平陽

使貳車反柘於西圃使副車還取廟主西圃

子伯季子初為孔氏臣新登于公升

夫請追之遇載柘者殺而乘其車子伯殺許

公為反柘孔悝怪載柘者久不來使公遇之

曰與不仁人爭明無不勝不仁人謂子伯季

必使先射射三發皆遠許為許為射之殪

傳言子伯不仁所以死也或以其車從從公

得柘於橐中孔悝出奔宋楚太子建之過讒

也自城父奔宋在昭十年又辟華氏之亂於鄭

在昭二十年鄭人甚善之又適晉與晉人謀

春秋三十
卷之十一
十一

襲鄭乃求復焉鄭人復之如初晉人使謀於

子木請行而期焉請行襲鄭之期子木即建也○謀徒協反子木

暴虐於其私邑邑人訴之鄭人省之得晉謀

焉遂殺子木其子曰勝在吳子西欲召之葉

公曰吾聞勝也詐而亂無乃害乎葉公子高沈諸梁也

○葉始涉反子西曰吾聞勝也信而勇不為不利

舍諸邊竟使衛藩焉使為藩屏之衛○竟音境藩方元反葉公

曰周仁之謂信也周親率義之謂勇也率行吾聞

勝也好復言言之所許必欲復行之而求死

士殆有私乎私謀復讎復言非信也期死非勇也

也期必子必悔之弗從召之使處吳竟為白公

白楚邑也汝陰襄信縣西南有白亭請伐鄭子西曰楚未節也

言楚國新復政令猶未得節制不然吾不忘也他日又請許

之未起師晉人伐鄭楚救之與之盟勝怒曰

鄭人在此讎不遠矣比子西於鄭人勝自厲劔子期

之子平見之曰王孫何自厲也曰勝以直聞

不告女庸為直乎。將以殺爾父。平以告子西。

子西曰。勝如卵。余翼而長之。以鳥為喻。楚國第用

第之次。我死。令尹司馬非勝而誰。勝聞之曰。令

尹之狂也。得死乃非我。言我必殺之。若得自死。我乃不復成人。

子西不悛。勝謂石乞。石乞。勝之徒。曰。王與二卿士

得也。五百人。不可得。曰。市南有熊宜僚者。若得之。可

以當五百人矣。乃從白公而見之。與之言說。

告之故辭。告欲作亂。宜僚辭承之以劍。不動

拔劍指其喉。勝曰。不為利諂。不為威惕。不洩人言。

以求媚者。去之。吳人伐慎。白公敗之。汝陰慎縣也。

請以戰備獻。與吳戰之所得。鎧杖兵器皆備。而獻之。欲因以為亂。○鎧。苦代

反許之。遂作亂。秋七月。殺子西。子期于朝。而

劫惠王。子西以袂掩面而死。蕪公。子期曰。昔

者吾以力事君。不可以弗終。抉豫章以殺人。

而後死。以效其多力。豫章。大木。○抉。鳥亢反。石乞曰。焚庫弒王。

不然不濟。白公曰：不可。弑王不祥。焚庫無聚。

將何以守矣。乞曰：有楚國而治其民，以敬事

神，可以得祥。且有聚矣。何患弗從？葉公在蔡

蔡遷州來。楚并其地。方城之外，皆曰：可以入矣。子高曰：

吾聞之，以險徼幸者，其求無饜。偏重必離。險猶

惡也。所求無饜，則不安。譬如物偏重，則離。敗欲須其斃而討之。○徼，古堯反。饜，於豔反。

聞其殺齊管脩也，而後入。管脩，楚賢大夫。故

殺賢。知其可討。白公欲以子閻為王。子閻，平王子。子

閻不可。遂劫以兵。子閻曰：王孫若安靖楚國，

匡正王室，而後庇焉。啓之願也。敢不聽從。若

將專利，以傾王室，不顧楚國，有死不能。不能從。

遂殺之。而以王如高府。高府，楚別府。石乞尹門為

尹圍公陽穴宮，負王以如昭夫人之宮。公陽，楚大

夫。昭夫人。王母越女。葉公亦至。及北門，或遇之。曰：君胡

不胄？國人望君，如望慈父母焉。盜賊之矢，若

傷君，是絕民望也。若之何不胄？乃胄而進。又

遇一人曰君胡胄國人望君如望歲焉歲年穀也

日日以幾冀君來也若見君面是得艾也艾安

也。又音礙民知不死其亦夫有奮心猶將旌

君以徇於國旌表也。又音扶而又掩面以絕民

望不亦甚乎乃免胄而進言葉公得民心遇箴尹固

帥其屬將與白公欲與白公并子高曰微二子者

楚不國矣二子子西子期也柏舉之敗二子功多弃德從賊其

可保乎乃從葉公使與國人以攻白公白公

奔山而縊其徒微之微匿也。與如字生拘

石乞而問白公之死焉對曰余知其死所而

長者使余勿言長者謂白公也曰不言將烹乞曰此

事也克則為卿不克則烹固其所也何害乃

烹石乞王孫燕奔頰黃氏燕勝弟頰黃吳地

練反頰沈諸梁兼二事二事令尹司馬國寧寧安乃

使寧為令尹子西之子使寬為司馬子期之子而

老於葉傳終衛侯占夢嬖人以能占夢見愛求酒於

犬叔僖子

僖子。犬叔遺。

不得與卜人比而告公曰。

君有大臣在西南隅弗去懼害

託占卜夢而言○去上聲

乃逐犬叔遺遺奔晉衛侯謂渾良夫曰吾繼

先君而不得其器若之何

國之寶器。輒皆將去。

良夫代

執火者而言

將密謀。屏左右。

曰疾與亡君皆君之子

也召之而擇材焉可也

召

若不材器可得也

輒若不材。可廢其身。因得其器。

豎告犬子

犬子疾。

犬子使五人

輿豨從已劫公而強盟之

盟求必立已。且請

殺良夫公曰其盟免三死

盟在十五年

曰請三之

後有罪殺之公曰諾哉

傳十七年春衛侯為虎幄於藉圃

於藉田之圃。新造幄

幕皆以虎獸為飾

成求令名者而與之始食焉犬子

請使良夫

以良夫應為令名

良夫乘衷甸兩牡

卿車○甸時證反。說文作佃。一轅車也。

紫衣狐裘

紫衣君服。至袒裘

不釋劔而食

食而熱。故偏袒亦不敬。

犬子使牽以退數

之以三罪而殺之

三罪。紫衣袒裘。帶劔。

三月越子伐吳

吳子禦之笠澤夾水而陳越子為左右句卒

句卒鈞伍相著別為左右屯○陳直觀反句古侯反著直略反使夜或左或

右鼓譟而進吳師分以禦之越子以三軍潛

涉當吳中軍而鼓之吳師大亂遂敗之左右

為聲勢以分吳軍而三軍精卒并力擊其中軍故得勝也○并如字又必政反晉趙

鞅使告于衛曰君之在晉也志父為主請君

若犬子來以免志父不然寡君其曰志父之

為也恐晉君謂志父教使不來衛侯辭以難犬子又使椽

之椽訴父欲速得其處○難乃旦反椽中角反夏六月趙鞅圍衛

齊國觀陳瓘救衛國觀國書之子得晉人之

致師者子玉使服而見之釋囚服服其本服曰國子

實執齊柄而命瓘曰無辟晉師豈敢廢命必欲

敵子又何辱言不須來致師自將往戰簡子曰我卜伐衛

未卜與齊戰乃還畏子楚白公之亂陳人恃

其聚而侵楚聚積聚也○積子賜反楚既寧將取陳麥

楚子問帥於大師子穀與葉公諸梁子穀曰

春秋三十
注

右領差車與左史老皆相令尹司馬以伐陳

其可使也言此二人皆嘗輔相子子高曰率

賤民慢之懼不用命焉右領左史皆楚賤子

穀曰觀丁父都俘也武王以為軍率楚武王

若是以克州蓼服隨唐大啓羣蠻彭仲爽申

俘也文王以為令尹實縣申息楚文王滅申

朝陳蔡封畛於汝開封畛北至汝水唯其

任也何賤之有子高曰天命不諂諂疑也

滔佗令尹有憾於陳十五年子西伐吳陳使

天若亡之其必令尹之子是與君盍舍焉右舍

領與左史臣懼右領與左史有二俘之

賤而無其令德也王卜之武城尹吉武城尹

公孫使帥師取陳麥陳人御之敗遂圍陳秋

七月己卯楚公孫朝帥師滅陳終鄭裨竈言

卒王與葉公枚卜子良以為令尹枚卜不斥

令龜子良沈尹朱曰吉過於其志志望葉公

日王子而相國過將何為過相將他日改卜

子國而使為令尹子國寧也衛侯夢于北宮見人

登昆吾之觀衛有觀在古昆吾之虛今濮陽城中觀工喚反虛去魚反

被髮北面而諫曰登此昆吾之虛縣縣生之

瓜縣縣瓜初生也良夫言已有以小成余為

渾良夫叫天無辜本盟當免三死而并數一謂無辜

公親筮之胥彌赦占之筮史曰不

害與之邑寘之而逃奔宋言衛侯無道卜人不敢以實對懼難

哀十七年

而逃也。難衛侯貞卜正夢其繇曰如魚

窺尾窺赤也魚勞則尾赤衡流而方羊裔

焉橫流方羊不能自安裔水邊言衛侯將大若此魚

國滅之將亡闔門塞竇乃自後踰此皆冬十

月晉復伐衛春伐未得志故入其郛將入城

簡子曰止叔向有言曰怙亂滅國者無後欲不

乘人衰衛人出莊公而與晉平晉立襄公之孫

般師而還十一月衛侯自鄆入般師出辟蒯也

鄭音綃初公登城以望見戎州戎州戎邑問之

以告公曰我姬姓也何戎之有焉言姬姓國何故有戎

邑翦之翦壞其邑聚公使匠久久不休息公欲逐石圃

石圃衛御石惡從子未及而難作辛巳石圃因匠

氏攻公公閉門而請弗許踰于北方而隊折

股終如卜言乃自後踰隊音墜折之設反戎州人攻之犬子疾

公子青踰從公弟青疾戎州人殺之公入于戎

州己氏己氏戎人姓已音紀又音祀初公自城上見己氏

之妻髮美使髡之以為呂姜鬣呂姜莊公夫人鬣髮也

與女璧己氏曰殺女璧其馬往遂殺之而取

其璧衛人復公孫般師而立之十二月齊人

伐衛衛人請平立公子起起靈公子女音汝執般師

以歸舍諸潞潞齊邑公會齊侯盟于蒙齊侯簡公弟平

也公敖也蒙在東莞蒙陰縣西故蒙陰城也孟武

伯相齊侯稽首公拜齊人怒武伯曰非天子

也敖如字一作驚五報反莞音官

寡君無所稽首。武伯問於高柴曰：諸侯盟，誰

執牛耳？執牛耳，尸盟者。季羔曰：鄆衍之役，吳公子姑

曹。季羔，高柴也。鄆衍在七年。行以善反。發陽之役，衛石魋。發陽

鄭也。在十二年。石魋，石曼姑之子。魋，徒回反。武伯曰：然則彘也。武

伯名也。鄆衍則大國執。發陽則小國執。宋皇

瑗之子麋。瑗，宋右師。九倫反。有友曰田丙，而奪

其兄鄆般邑，以與之。鄆般愠而行，告桓司馬

之臣子儀克。克在下邑，不與魋亂，故在鄆。仕咸反。愠，紆問反。子儀

克適宋，告夫人曰：麋將納桓氏。公問諸子仲

子仲，皇野。初，子仲將以杞妣之子非我為子。為適

妣，子仲妻。適音的。麋曰：必立伯也。伯，非我兄。是良材。子仲

怒，弗從。故對曰：右師則老矣，不識麋也。言右師者

不能為亂，麋則不可知。公執之。執麋。皇瑗奔晉，召之。召令還

傳。十八年春，宋殺皇瑗。公聞其情，復皇氏之

族，使皇緩為右師。言宋景公無常也。緩，巴人

伐楚圍鄆。鄆，楚邑。初，右司馬子國之卜也，觀瞻

曰如志子國未為令尹時卜為右司馬得吉兆如其志觀瞻楚開卜大夫觀從之

後故命之命以為右司馬及巴師至將卜帥王曰寧

如志何卜焉寧子國也使帥師而行請承承佐王曰

寢尹工尹勤先君者也柏舉之役寢尹吳由于以背受戈工尹固

執燧象奔吳師皆為先君勤勞三月楚公孫寧吳由于蘧固

敗巴師于鄆故封子國於析君子曰惠王知

志知用其意夏書曰官占唯能蔽志昆命于元龜

逸書也官占卜筮之官蔽斷也昆後也言當先斷意後用龜也其是之謂乎

志曰聖人不煩卜筮惠王其有焉不疑故夏

衛石圃逐其君起起奔齊齊所立故衛侯輒自齊

復歸逐石圃而復石魍與大叔遺皆蒯聩所逐

傳十九年春越人侵楚以誤吳也誤吳使夏不為備

楚公子慶公孫寬追越師至冥不及乃還越冥

地秋楚沈諸梁伐東夷越報三夷男女及楚師

盟于敖從越之夷三種敖東夷地冬叔青如京師敬王崩

故也言敬王能終其世終葺弘言東王必大克叔青叔還子

傳二十年春齊人來徵會夏會于廩丘為鄭

故謀伐晉十五年晉伐鄭鄭人辭諸侯秋

師還終叔向言吳公子慶忌驟諫吳子曰不

改必亡弗聽吳子出居于艾艾吳邑豫遂適

楚聞越將伐吳冬請歸平越遂歸欲除不忠

者以說于越吳人殺之言其不量力十一

月越圍吳趙孟降於喪食趙孟襄子無恤時

楚隆曰三年之喪親暱之極也主又降之無

乃有故乎楚隆襄趙孟曰黃池之役先主與

吳王有質黃池在十三年先主簡曰好惡同

之今越圍吳嗣子不廢舊業而敵之嗣子襄

欲敵越非晉之所能及也吾是以為降楚隆

曰若使吳王知之若何趙孟曰可乎隆曰請

嘗之嘗試乃往先造于越軍曰吳犯閒上國

多矣聞君親討焉諸夏之人莫不欣喜唯恐

君志之不從請入視之許之告于吳王曰寡

君之老無恤。使陪臣隆。敢展謝其不共。展。陳也。

聞去聲。共音恭。黃池之役。君之先臣志父得承齊盟。

曰。好惡同之。今君在難。無恤不敢憚勞。非晉

國之所能及也。使陪臣敢展布之。王拜稽首。

曰。寡人不佞。不能事越。以為大夫憂。拜命之

辱。與之一簞珠。簞。小筍。難。乃且反。使問趙孟。問。遺也。遺。唯。

曰。句踐將生憂。寡人寡人死之不得矣。王

曰。溺人必笑。吾將有問也。以自喻所問不急。猶溺人不知所為。

而反笑。古侯反。史黯何以得為君子。晉史黯云。不

當亡。吳王感問此也。對曰。黯也。進不見惡。時行則行。退無謗。

言則止。王曰。宜哉。

傳二十一年。夏五月。越人始來。越既勝吳。欲霸中國。始遣

魯使通。秋八月。公及齊侯。邾子。盟于顧。齊人責

稽首。責十七年齊侯為公。稽首不見答。顧。齊地。因歌之曰。魯人之

臯。數年不覺。使我高蹈。臯。緩也。高蹈。猶遠行也。言魯人臯緩數年

不知答齊稽首。故使我高蹈。來為此。唯其儒

書以為二國憂

二國。齊邾也。言魯據周禮。不肯答稽首。令齊邾遠至。是

行也。公先至于陽穀

先期至也。先。悉薦反。

齊閭丘息

曰。君辱舉玉趾。以在寡君之軍

息。閭丘。明之後。羣臣

將傳遽以告寡君。比其復也。君無乃勤為僕

人之未次

次。舍也。傳中戀反。比。必。利反。為于偽反。下注同。

請除館

於舟道

舟道。齊地。

辭曰。敢勤僕人

不敢勤齊僕。為魯除館。

傳二十二年夏四月邾隱公自齊奔越曰吳

為無道執父立子。越人歸之。犬子革奔越

邾隱

公。八年為吳所囚。十年奔齊。

冬十一月丁卯越滅吳請使

吳王居甬東

甬東。越地。會稽句章縣東海中洲也。甬。音勇。句。九具反。又音

拘。辭曰。孤老矣。焉能事君。乃縊。越人以歸

尸歸。終史墨子胥之言也。

傳二十三年春宋景曹卒

景曹。宋元公夫人。小邾女。季桓子外

母。祖季康子使冉有弔。且送葬曰。敝邑有社稷

之事。使肥與有職競焉

肥。康子名。競。遠也。與。音預。

是以

不得助執紼。使求從輿人

求。冉有名。輿。眾也。

曰。以肥

之得備彌甥也

彌遠也。康子父之舅氏。故稱彌甥。

有不腆先

人之產馬使求薦諸夫人之宰

薦進也。

其可以

稱旌繁乎

稱舉也。繁馬飾繁纓也。終樂祁夏之言。政在季氏。

六月晉荀瑤伐齊

荀瑤荀躒之孫。知伯襄子。

高無不

帥師御之。知伯視齊師。馬駭。遂驅之。曰齊人

知余旗。其謂余畏而反也。及壘而還。將戰。長

武子請卜

武子。晉大夫。御魚呂反。

知伯曰。君告于天子

而卜之。以守龜於宗祧。吉矣。吾又何卜焉。且

齊人取我英丘。君命瑤。非敢耀武也。治英丘

也

治齊取英丘。守手又反。

以辭伐罪。足矣。何必卜。壬辰

戰于犁丘

犁丘。隰也。

齊師敗績。知伯親禽顏庚

顏庚。

齊大夫顏涿聚。

秋八月。叔青如越。始使越也

越諸鞅來聘。報叔青也

使所吏反。

傳二十四年夏四月。晉侯將伐齊。使來乞師

曰。昔臧文仲以楚師伐齊。取穀

在僖二十六年。宣叔

以晉師伐齊。取汶陽

在成二年。

寡君欲徼福於周

公願乞靈於臧氏臧氏世勝齊故欲乞其威靈臧石帥師

會之取廩石臧賓如之子軍吏令繕將進晉軍吏也繕治

備戰萊章曰君卑政暴萊章齊大夫往歲克敵禽顏庚

今又勝都取廩天奉多矣又焉能進是德言

也德過也。德戶快反。謂過也。謬之言。服云。偽不信言也。役將班矣晉師

乃還餼臧石牛生曰大史謝之晉大史曰以寡

君之在行在軍牢禮不度禮度不如敢展謝之終臧

氏有後於魯邾子又無道越人執之以歸終子贛之言

而立公子何何亦無道何犬子革弟公子荆之母

嬖荆哀公庶子將以為夫人使宗人釁夏獻其禮

宗人禮官也對曰無之公怒曰女為宗司立夫人

國之大禮也何故無之對曰周公及武公娶

於薛武公。稱。惠公。弗。皇。商。宋也。稱尺證反。又孝惠娶於商

如字自桓以下娶於齊桓公始此禮也則有若

以妾為夫人則固無其禮也公卒立之而以

荆為犬子國人始惡之惡公。烏路反。閏月公如

越得犬子適郢

適郢。越王犬子得。相親說也。通郢。越王句踐犬子名。

將妻公而多與之地。公孫有山。使告于季孫。

季孫懼。使因大宰嚭而納賂焉。乃止。

嚭。故吳臣也。季

孫恐公因越討已。故懼。妻七計反。嚭。普美反。

傳二十五年。夏五月庚辰。衛侯出奔宋。

衛侯輒也。

衛侯為靈臺于藉圃。與諸大夫飲酒焉。褚師

聲子韞而登席。

古者見君解韞。亡伐反。足衣也。

公怒。辭曰。

臣有疾異於人。

足有創疾。

若見之。君將散之。

散。嘔吐也。

○〔散〕許角反。

是以不敢

不。敢。解。韞。

公愈怒。大夫辭之。不

可。

共辭謝公。公不可解。

褚師出。公戟其手。

抵徒手。屈肘。如戟形。○〔抵〕

紙音。

曰。必斷而足。聞之。褚師與司寇亥乘。曰。今

日幸而後亡。

恐死。以得亡為幸。○斷。丁管反。乘。繩證反。

公之入也。

奪南氏邑。

南氏。子南之。子公孫彌牟。

而奪司寇亥政。公使

侍人納公文懿子之車于池。

懿子。公文要。公。有忿。使人投其

車于池。水中。

初。衛人翦夏丁氏。

在十一年。

以其帑。賜彭

封彌子。

彭。封彌子。彌子。瑕。帑。音奴。

彌子飲公酒。納夏戊

之女嬖以爲夫人其弟期大叔疾之從孫甥

也期夏戊之子姊妹之孫爲從孫甥與孫同列○飲衣鳩反少畜於公以

爲司徒夫人寵衰期得罪公使三匠久公使

優狡盟拳彌優狡俳優也拳彌衛大夫而甚

近信之故褚師比鞮登者公孫彌牟喪邑者公文

要失車者司寇亥奪政者司徒期因三匠與拳彌

以作亂皆執利兵無者執斤斤工匠所執使拳彌

入于公宮信近之故得入而自犬子疾之宮謀以攻

公鄆子士請禦之鄆子士衛大彌援其手曰

子則勇矣將若君何言不可救不見先君乎

君何所不逞欲先君崩瞞也亂不速奔故且

君嘗在外矣豈必不反當今不可衆怒難犯

休而易閒也乃出將適蒲蒲近彌曰晉無信

不可將適鄆鄆齊晉界上邑彌詐彌曰齊晉

爭我不可將適泠泠魯邑彌曰魯不足與請適

城鉏城鉏近以鉤越越有君宋南近越乃適

城鉏彌曰衛盜不可知也請速自我始乃載

寶以歸欺衛君言君以寶自隨將致衛盜請

公為支離之卒支離陳名因祝史揮以侵衛祝史

衛人病之懿子知之內知揮為見子之子之公

也文子請逐揮文子曰無罪懿子曰彼好專利

而妄法妄不夫見君之入也將先道焉若見君

助之道必道若逐之必出於南門而適君所雖知其

不審察私共評之夫越新得諸侯將必請師焉揮在

朝使吏遣諸其室難面逐之先逐揮出信弗

內再宿為信五日乃館諸外里外里公

遂有寵使如越請師請師伐六月公至自越

前年行今還季康子孟武伯逆於五梧魯南郭重

僕為公僕見二子曰惡言多矣君請盡

之二子不臣之言甚多公宴於五梧武伯為

祝祝上惡郭重曰何肥也訾毀其貌季孫曰

請飲彘也飲罰以魯國之密邇仇讎臣是以

不獲從君克免於大行。又謂重也。肥言重隨

劬勞不公曰是食言多矣。能無肥乎。以激三桓之數

言飲酒不樂。公與大夫始有惡。為二十七年

傳二十六年夏五月叔孫舒帥師會越皐如

后庸宋樂苧納衛侯。舒武叔之子文子也。皐

司城子潞衛侯。輒也。伐扶廢反。文子欲納之。懿子曰君復

而虐少待之必毒於民。復很也。乃睦於子

矣。睦民師侵外州大獲。越納輒出禦之大敗。師衛

賂掘褚師定子之墓焚之于平莊之上。定子褚師

比之父也。平莊陵名也。文子使王孫齊私於皐如。齊衛大夫

王孫賈之子昭子也。曰子將大滅衛乎。抑納君而已乎。

皐如曰寡君之命無他納衛君而已。文子致

衆而問焉曰君以蠻夷伐國國幾亡矣請納

之衆曰勿納曰彌牟亡而有益請自北門出

欲以觀衆心。幾音祈。又音機。衆曰勿出重賂越人申開守

陴而納公。申重也。開重門而嚴設守備。欲以恐公使不敢入。守手又反。公

不敢入師還立悼公悼公。蒯賸庶弟公子。南

氏相之以城鉏與越人。公曰。期則為此司徒

令苟有怨於夫人者報之夫人。期姊也。怒期

宮女令苦司徒期聘於越為悼公聘公攻而奪之

幣。期告王越王王命取之。期以眾取之。公怒。

殺期之甥之為犬子者忿期而及其姊為夫

子遂卒于越終言之也。終效宋景公無子。取

公孫周之子得與啓畜諸公宮周。元公孫子

哀二十六年

也啓得弟。畜養也。未有立焉。於是皇緩為右師。皇非

我為大司馬。皇懷為司徒皇懷。非我靈不緩

為左師不緩。子靈樂茂為司城茂。樂溷之子

又戶樂朱鉏為大司寇朱鉏。樂輓之六卿三

族降聽政三族。皇。靈。樂因大尹以達大尹。近

者。六卿因之。以大尹常不告。而以其欲稱君

命以令君不告也國人惡之。司城欲去大尹。左師

曰。縱之。使盈其罪盈。滿重而無基。能無敝乎

春秋左傳

卷之六

言勢重而無德也冬十月公游于空澤空澤宋邑辛

巳卒于連中連中館名又音輦大尹興空澤之

士千甲甲士千人奉公自空桐入如沃宮奉公口也梁國

虞縣東南有地名空桐沃宮宋都內宮名使召六子曰聞下有師

君請六子畫畫計六子至以甲劫之曰君有

疾病請二三子盟乃盟于少寢之庭曰無為

公室不利大尹立啓奉喪殯于大宮三日而

後國人知之司城棧使宣言于國曰大尹惑

哀三十二年

蠱其君而專其利今君無疾而死死又匿之

是無他矣大尹之罪也言大尹得夢啓北首

而寢於盧門之外盧門宋東門北首死象在

己為烏而集於其上味加於南門尾加於桐

門曰余夢美必立桐門北門大尹謀曰

我不在盟少寢盟但以君命無乃逐我復盟

之乎使祝為載書六子在唐孟地名將盟之祝

襄以載書告皇非我襄祝名皇非我因子

春秋三十一

三十一

潞子潞門尹得樂左師謀曰民與我逐之乎

皆歸授甲使徇于國曰大尹惑蠱其君以陵

虐公室與我者救君者也眾曰與之大尹徇

曰戴氏皇氏將不利公室戴氏即樂氏與我者無

憂不富眾曰無別惡其號令與君無別戴氏皇

氏欲伐公公謂啓樂得曰不可彼以陵公有罪

我伐公則甚焉使國人施于大尹施罪於大尹

尹奉啓以奔楚乃立得司城為上卿盟曰三

哀十六年

族共政無相害也衛出公自城鉏使以弓問

子贛且曰吾其入乎子贛稽首受弓對曰臣

不識也私於使者曰晉成公孫於陳僖二十八年衛

成公奔楚遂適陳甯武子孫莊子為宛濮之盟

而君入盟在僖二十八年獻公孫於齊在襄

十四年子鮮子展為夷儀之盟而君入在襄二

今君再在孫矣謂十五年孫魯今又孫宋內不聞獻之親

外不聞成之卿則賜不識所由入也詩曰無

春秋三十一

三十一

競惟人。四方其順之。詩周頌言無強。惟得人也。若得其人。

四方以為主。為主。主四方。而國於何有。

傳二十七年。春。越子使后庸來聘。且言邾田。

封于駘上。欲使魯還邾田。封竟至駘。又音臺。二月盟。

于平陽。西平。三子皆從。季康子。叔孫文子。孟武伯。皆從。后庸盟。

康子病之。和從蠻。言及子贛。贛思子。曰。若在此。

吾不及此夫。越盟不及與。武伯曰。然。何不召。曰。固。

將召之。文子曰。他日請念。言季孫不能用子贛。臨難而思之。

哀二十六年

夏四月己亥。季康子卒。公弔焉。降禮。禮不備也。言公

之多。晉荀瑤帥師伐鄭。次于桐丘。鄭駟弘請

救于齊。弘駟子。齊師將興。陳成子屬孤子。三日

朝。屬會死事者之子。使朝三日。以禮之。屬音燭。設乘車兩馬。繫五

邑馬。乘車兩馬。大夫服。又加之五邑。召顏涿聚之子晉。曰。隰

之役。而父死焉。隰役在二十三。年。涿中角反。以國之多難。

未女恤也。今君命女以是邑也。服車而朝。毋

廢前勞。乃救鄭。及留舒。違穀七里。穀人不知。

春秋三十

三

言其整也。留舒。齊地。違去也。及濮。雨不涉。濮水在陳留酸棗縣。傍河東北。

經濟陰至。子思曰。大國在敝邑之宇下。是以

告急。今師不行。恐無及也。子思。國參。成子衣製杖

戈。製。雨衣也。○子衣。於既反。製音制。立於阪上。馬不出者。助

之鞭之。知伯聞之。乃還。畏其得衆心。○阪。反。一扶版反。曰。

我卜伐鄭。不卜敵齊。使謂成子曰。大夫陳子。

陳之自出。陳之不祀。鄭之罪也。十七年楚獨滅陳。非鄭之

罪。蓋知伯誣陳子。故陳子怒。謂其多陵人。故寡君使瑤察陳衷焉。

哀二十七年

衷。善也。謂大夫其恤陳乎。若利本之顛。瑤何有

焉。言陳滅於已無傷。成子怒曰。多陵人者皆不杜。知

伯其能久乎。中行文子告成子。文子。荀寅。此時奔在齊。

行戶。即反。曰。有自晉師告寅者。將為輕車千乘。以

厭齊師之門。則可盡也。成子曰。寡君命恒曰。

無及寡。無畏衆。雖過千乘。敢辟之乎。將以子

之命告寡君。成子疑其有為晉之心也。○輕遣政反。厭於甲反。又於輒反。

文子曰。吾乃今知所以亡。自恨已。君子之謀

也。始衷終皆舉之。而後入焉。此謀一事則當慮

而行之。所謂君子三思。今我三不知而入之。不亦難乎。

悔其言不可復。公患三桓之侈也。欲以諸侯去之。求欲

諸侯師以逐三桓。去起呂反。下而去同。三桓亦患公之妄也。故

君臣多間。也。間。隙。公游于陵阪。遇孟武伯於孟

氏之衢。曰。請有問於子。余及死乎。問己可得

對曰。臣無由知之。三問卒辭不對。公欲以越

伐魯而去三桓。秋八月甲戌。公如公孫有陘。

哀二十七年

氏。有陘氏。即有山氏。因孫于邾。乃遂如越。國人施公

孫有山氏。以公從其家出故也。終子贛之悼

之四年。晉荀瑤帥師圍鄭。悼公。哀公之子寧

立悼公。未至。鄭駟弘曰。知伯復而好勝。早下之。

則可行也。行。去也。乃先保南里以待之。保。守也。南里在

外城。知伯入南里。門于桔柣之門。鄭人俘鄫魁

壘。鄫魁壘。晉士。○桔柣。戶結反。柣。大結反。鄫。戶圭反。賂之以知政。欲使反。爲

鄭閉其口而死。將門。攻鄭門。知伯謂趙孟入之。

春秋三十

四十一

川上

對曰。主在此。主謂知伯也。言主在此。謂知伯不自入。知伯曰。惡而

無勇。何以爲子。惡貌醜也。簡子廢嫡子伯魯而立襄子。故知伯言其醜且

無勇。何故。對曰。以能忍恥。庶無害趙宗乎。知

伯不悛。趙襄子由是甚知伯。甚。毒也。○其冀反。遂喪

之。知伯貪而復。故韓魏反而喪之。史記。晉懿公之十四年。知伯帥韓魏圍趙襄子於

魯悼公之十四年。知伯帥韓魏圍趙襄子於

晉陽。韓魏反與趙氏謀殺知伯於晉陽之下。在春秋後二十七年。○喪息浪反。

春秋經傳集解哀公下第三十

哀二十七年

春秋卷三十考證

十四年傳而遺之潘沐。註米汁可以沐頭。○沐頭坊本

閣本作浴頭。案說文沐濯髮也。浴灑身也。天官疏沐

用潘浴用湯則沐浴字不可誤用。

十六年傳方天之休。註言天方受爾以休。○受林氏直

解作授于文義爲順。今據改。

十七年傳志父之爲也。註恐君謂志父教使不來。○

殿本閣本謂作爲來作一義不可解。

沈尹朱曰。吉過于其志。○案吉謂所枚卜之兆也。過于

其志謂爵位過其所望。閣本坊本吉作言則解似大

言不慚之意誤甚

發陽之役註發陽鄭也。○案此鄭乃吳地二年公會宋皇瑗于鄭即此故註云鄭也。殿本閣本作鄭地則嫌于楚附庸之鄭不可不辨。

而奪其兄鄆般邑。○案說文鄆宋地从龜邑聲他本从刀作鄆非。

二十一年傳惟其儒書以爲二國憂註魯據周禮。○案周禮即韓宣子所見易象與春秋齊人不知目爲儒書註推言其意謂齊笑魯據周禮不肯答稽首以致二國遠涉閣本坊本周禮作用禮非。

二十六年傳爲夷儀之盟而君入註在僖二十六年。○案衛侯衎歸衛乃襄二十六年非僖也今改正。

四方其順之。○順。殿本閣本作訓案今詩本作訓然以疏考之原作順。

二十七年傳言及子贛註思子贛。○殿本閣本無此三字。

惡而無勇何以爲子註簡子廢嫡子伯魯而立襄子。○廢嫡閣本作奔敵。殿本監本作舍嫡俱無伯魯二字案史記趙世家襄子名毋恤子卿見毋恤曰真將軍簡子不之信也他日以寶符之說試諸子知毋恤。

果賢廢伯魯而立之蓋原本根據史遷足訂諸本訛

脫

... 史遷足訂諸本訛 ...



